

# *BOITSEBIŠO*

Le ka dula. Ke a go leboga kudu, Ngwanešu, Ngwanešu Shores. Ke...Ka nnete ke tše wo go ba monyetla wo mobotse go ba mo bosegong bjo, ka go...First Assembly of God ye, gape, go kopanelo go dikologa Lentšu la Modimo, le lena batho ba bakaone, go ba le wa rena yo bohlokwa Ngwanešu Shores gape, le—le baena bohole bao re kopanego le bona beke. Gomme ka kgonthre re bile le nako ye botse, dibeke tše pedi tše tsha go feta.

2 Ga ke tsebe bjalo ka ge nkile, mo mengwageng, ka tsoge ka ba le nako ye kaonekaone go feta ke bileygo le yona beke ye, ya go kopanelo le baena go dikologa go kgabola Maricopa Valley ye, tsela yohle go tlaga Mesa, go theoga, le go theogela Tucson, e lego Jerusalema, nnete, mo thabeng. Gomme re thakgetše go etela baena ba rena fa ka Jeriko, le a bona, tlase fa ka go... tlase kua bottlase bja thaba. Go no makala ka fao seo se bego se eya go ya.

3 Gomme ka fao ge ke be ke le mo, mengwaga ye mentši ya go feta, seo ka mehla e be e le pako magareng ga Tucson le Phoenix. Kafao, ke nno nagana ka seo letšatši le lengwe, le a tseba. Ba be ba nthaloša ka go emeleteng Tucson. Gomme ka fao ka gopola ka, go lokile, e godimo ga thaba, gomme Jeriko e ka moeding, le a tseba. Kafao ke naganne seo e tla no ba se sebotse. Gabotse, re swara Mna. Kabogareng nako yeo, yo mongwe a etla fase. Re nyaka go šoma ka yena.

4 Bjale, e bile nako ye botse, bjalo ka ge ke bušeletša, gomme ka kgonthre re ipshinne ka borena gagolo.

5 Bjale, re a leb...letile ka tetelo ye kgolo bakeng sa khonferense ye e tlago ye go thoma gosasa bošego. Re letetše nako ye kgolo. Gomme ka go ye ke lekile go e bea, ka tsela ya ka ya go kokobeloa ya go e dira, motheo, mohuta wa go hwetša khuduego magareng ga batho, bakeng sa tsošeletšo ye e tlago godimo. Gomme bjale re na le diboledi tše dingwe tsha go makatša di etla godimo, ka go tsošeletšo ye e lego kgaušwi bjale. Ngwanešu Velmer Gardner, le—le ngwanešu tsoko wa Methodist yo a swanetšego go ba seboledi sa maemo, gomme ka gona, go phuthela yela ye kgolo ya mafelelo go yona yohle, ke wa rena yo bohlokwa Ngwanešu Oral Roberts, bakeng sa Mošupologo wo o latelago bošego. Gomme ke a tshepa gore Modimo o tla fa baena melaetša ye bjalo ye e tla romelago Phoenix matolong a yona, e tlakgasela, ka go boifa Modimo.

6 Gomme re lekile thata, beke ye, go—go bea motheo bakeng sa seo, wa go bonagala ga ka pejana ga Morwa wa Modimo. Gomme ke a dumela, gomme ke be ke ruta, gore ka go felela go a kgonega

gore O be a ka kgona go tla ka go moloko wo bjale, ebile le bošego bjo. Re no se tsebe e ya go ba neng, eupša re nyaka go itokiša kudu gore, ge e etla, re tla ya le Yena ka Tlhatlogong.

<sup>7</sup> E bile nako ye kgolo. Ke be ke rera Melaetša ye ya go tia ka go Tla ga Gagwe, le go leka go Bea ntle di—di dikgonagalo, le iri ye bjale re phelago ka go yona, le ka fao gore se sengwe le se sengwe, go kgopoloyaka, kgopoloyaka ya go kokobela, se no ba leemong la go Tla ga Morena, Tlhatlogo, selo se se latelago. Gomme tšohle tše di hlaelelago, di ka direga mo iring.

<sup>8</sup> Ke a dumela, bontši, ga ke tsebe feelsa tše kae, eupša tše mmalwa tša diprofeto tša go ikgetha di lebanego le phethagatšo ya go tla ga Mesia le se A bego a tla se dira, se phethagaditšwe ka diiring tše šupa tša mafelelo sefapanong. “Ka fao ba hlabilego lehlakore la Ka, gomme la Ka...ga go lerapo le le robegilego.” Gomme—gomme O goeleditše, “Modimo wa Ka, gobaneng O Ntlogetše?” Gomme diprofeto tše kgolo, di nno direga, e tee, pedi, tharo, nne, feelsa ka mokgwa woo, feelsa mo iring goba tše pedi, go arugana.

<sup>9</sup> Bjale, seo se ka direga ka tsela ya go swana mo go boeng ga Gagwe. Gomme re swanetše go be re phafogile, re letile.

<sup>10</sup> Mantšiboa a go feta ke naganne re biles le nako ye botse tlase ka go—ka go Assembly of God borwa bja fa. Ke a dumela ke Southside, mohlomongwe, e biditšwe, Southside Assembly. Ke kopane le ngwanešu yo mokaone yoo ke sa nkago ka kopana le yena pele mo leetong, bjalo ka ge ke gopola, eupša ngwanešu yo bohlokwa le sehlopha se sekaone sa batho.

<sup>11</sup> Gomme re boletše ka, kua bošego bja go feta, Molaetša wa... wa go ba le Yena bjalo ka sedibana leganateng, lefelo, go Mo gopola, se sohle A se dirilego, ge re etla mmogo, re dutše go dikologa ka mafelong a Magodimong ka go Kriste. Gomme go elelwa dilo tše A di dirilego, le dilo tše A tshepišitšego go di dira, ka fao A tshepišitšego gore O tla kopana le rena. “Kae kapa kae mo ba babedi goba ba bararo ba kgobokanego Leineng la Gagwe, gore fao O tla ba magareng ga rena.” Ka gona, ke naganne boikemo bja Modimo bo be bo pealaditšwe ka bothakga kudu ge A tlie thwi fase magareng ga rena, le go inetefatša Yenamong, gore O be a le fao le rena gape. Seo se no e dira netefatšo, gore re kgaušwi le bofelo. Gomme dilo tsela A tshepišitšego go di dira, thwi mo bofelong, gomme re e bona e re lebane bjale.

<sup>12</sup> Ke tsea o ka re, mohlomongwe, gore batho ba bantši mo ke—ke batho ba ba pholositswego. Gomme ke rena ba re rapelago le go bea pele matsapa a rena bjale bakeng sa khonferense ye e tlago. Gomme re swanetše go gatelela ka tšohle tše di lego ka go rena, le go dira se sengwe le se sengwe re kgonago. Re be le nnete gore re bolela le modiradibe yo mongwe le yo mongwe nakong ya khonferense ye. Re batamela rakgwebo yo mongwe le yo mongwe, le motho yo mongwe le yo mongwe a sa pholoswago,

le bao ba se nago Kriste, ntle le Moya wo Mokgethwa. Re nyaka go ba batamela ka Molaetša, ka ya go fola, ya go tia Ebangedi go batamela batho.

<sup>13</sup> A nke maphelo a rena e be letswai kudu, gore ba bangwe ba kgone go šetša ka tsela ye re dirago le go phela, gore ba tla nyaka go phela ka tsela yeo, le bona. Le a tseba Jesu o rile, "Lena le letswai la lefase." Eupša ge letswai le lahlegetšwe ke bopaki bja lona, tatso ya lona—ya lona, maatla a lona a go goga, gona le ka se sa kgona go fodiša goba go phološa. Letswai le a phološa ge le kgokagana, gomme re swanetše—re swanetše go ba kgomano ya Modimo. Re ntlha ya Gagwe ya go kgokagana, bjalo ka ge Ngwanešu Roberts makga a mantši a ūupa go bea seatla sa gagwe godimo ga seyalemoya goba se sengwe bakeng sa ntlha ya kgomano.

<sup>14</sup> Bjale, le ka no nkwa ke bolela ka go segiša gannyane bošegong bjo, eupša mašego a mararo goba a mane a go feta ke ile ka swanela go tsea segalontšu sa ka sa godingwana. Ke—ke... Se tee sel a se hlagetše. Kafao, ke bolela godimo, bontši go tšwa godimo ga molomo wa ka. Ga se maitirišo, eupša ke swanetše go e dira, go thibela karolo ya botlase go ba bohloko. Le a tseba, Modimo o bile mohuta wa go re dira ka tsela, moo, ge karolo e tee e lapa, re ka swara ye nngwe. Yo mongwe—yo mongwe... Le a tseba, go mokatasemetše.

<sup>15</sup> Gomme yo mongwe o mpotšišitše, bangwe, nako ye nngwe, o rile, "O ka kgona bjang go sepela thata kudu go kgabola dithaba le go ya pele?"

<sup>16</sup> Ke rile, "Gabotse, ke ithutile seo, mathaithai a mannyane, mengwaga ye metelele ya go feta, go tšwa go Maindia." Le a bona? O ka kgona go sepela ka matolo a gago, wa se šomiše bontši, letheka la gago, gomme wa tlogela matheka a gago go khutša. Morago wa sepela ka letheka la gago, le magato, le go lesa matolo a gago a khutše, le a bona. Kafao nno khutša gomme o sepele, khutša gomme o sepele, khutša gomme o sepele.

<sup>17</sup> Yeo ke tsela ye o rerago, ka sa godingwana morago sa fasana, sa godingwana le fasana. Lesa se tee go khutša, se sengwe.

<sup>18</sup> Oo, Modimo o dirile selo sa go makatša ge A dirile motho! Le a tseba gobaneng? Go bile ka seswantšho sa Gagwe seo A dirilego motho. Gomme kafao ke eng bontši e ka bago go makatša kudu go feta Modimo?

<sup>19</sup> Ke be ke rera kudu ka go—ka go Tleng ga Kriste ka go lebaka le, Ke naganne mohlomongwe e tla ba selo se sebotse bošegong bjo go mohuta wa go dula fase go tše dingwe tša dilo tše ke bego ke bolela ka tšona, le go tliša bo—bo bogolo bja seemo sa letšatši le, ka bogoneng bja rena, ka Ebangedi, le go bona ka fao re lego, renabeng, re lekaneditšwe iri ye. Re tseba bjang? Ye e ka no ba kopano ya mafelelo yeo Banna ba Kgwebo ba ka tsogego ba ba le yona. Le a tseba, bjo e ka no ba bošego bja mafelelo bjo First

Assembly of God le tšohle dikereke ka moka go kgabola naga di tla bulwago. Gosasa, go ka direga, tšohle di tswaletšwe. Ga re tsebe. Ye e ka no ba nako ya mafelelo Beibele e badilwego go batheeletši ba. Ka fao, a re nong go ba mohuta wa go hlola bošegong bjo gomme re bone mo re lego, go hlokofala, lebakana le lennyane.

<sup>20</sup> Gomme ka gona re ya go ya, go leka go fetša ka pela, gore re kgone go dumelela batho ntle le go se le swarelele. Ke dirile tshwayo ye nnyane ya go befa beke ye, gore ke—ke le swarelela botelele go kgabola nako ya bošego, ge ke tseba go no foša mošomo wa letšatši, wo o ka se go hlokofatšego. Eupša ke rile, “Mokibelo bošego bjale, nka se go swarelele botelele le gatee, gobane o ka se foše sekolo sa Lamorena. O swanetše go ba fao lefelong la gago la mošomo.” Kafao, bjale, nka se le swarelele botelele bošegong bjo, gobane ka kgonthe ke le nyaka kua gosasa bošego. Seo ke se re bego re se otlelela, nako ye kgolo ye.

<sup>21</sup> Gomme bjale rapedišang baena bohole bale ba ba yago go bolela. Rapelang gore Modimo o tla tlotša batseta ba Gagwe. Gomme bošegong bjoo bja go feta, le Ngwaněšu Oral; o be a kgethetšwe go hwetsa seapešo sela sa mafelelo go tloga go sona sohle. Ke nagana ka seo nako ya mafelelo, go swana le ge go bille ka letšatši la mafelelo la monyanya ge Jesu a eme gomme a goeleta ka tempeleng. Oo, a nke re e kwe gape. A nke Modimo a re goeletše, le go re biletša lehlakoreng la Gagwe, go kgobokana ka Kerekeng, balopollwa ba Gagwe, Monyalwa wa Gagwe yo ka mogau a rekilwego ka Madi a Gagwe Mong. Gomme re rapelela bofelo bjoo.

<sup>22</sup> Bjale re ya go lebelela go Morena feela bjale ka thapelo pele re batamela Lentšu la Gagwe. Gobane, le a tseba, Lentšu ga se la tlhathollo ya sephiri, kafao ke no rata Mongwadi go Le utolla; le go boloka go tšwa go Lona, le a tseba, feela gore re kgone—re kgone go dumela gore O a e dira. Kafao a re inamišeng dihlogo tša rena feela bjale. Gomme—gomme ge re inamiša dihlogo tša rena, a re inamišeng dipelo tša rena gape, re no inamišetša dipelo tša rena go Modimo.

<sup>23</sup> Bjale ka dihlogo tša rena le dipelo di inamišitšwe, a go ne kgopelo ka pelong ya gago bošegong bjo, modudi mmogo wa ka wa Mmušo, ngwaněšu moet? Lena ba le diiilelago fa ka Phoenix le mafelong a mangwe, bao re kgobokanego ka go kereke ye nnyane ye ya go ratega bošegong bjo go Mo rapela, a go ne kgopelo yeo o ka ratago Modimo a tseba ka yona? E sware ka monaganong wa gago, gomme e no phagamisetša seatla sa gago godimo, gomme o re, “Morena, a nke e be nna bjale bošegong bjo. Ke—ke na le—le tlhoko ya go tlalelw.” A nke A . . . Ke a tseba O tla e bona. O tla e kwa. O tla e araba.

<sup>24</sup> Tate wa rena wa Legodimong, re batamela Wena ka tumelo bjale. Re tšoena renabeng mmogo, re Bea dithapelo tša rena bjalo

ka motho o tee. Ka tumelo re a tloga mo, ka la 11 le Garfield, gomme re namela godimo ka tumelo, bokagodimo ga ngwedi le dinaledi, godimo Tsela Ye Tšhweu ya Maswi, godimo ka gare le bokagodimo ga mafelo a lefase le, godimo go ya Bogoneng bja Modimo. Gomme kua Aletareng moo Sehlabelo se letšego, gomme Bakerubi le Barongwabatuki ba fofa godimo ga Aletara ya Modimo, ba goeletša, “Mokgethwa!” Oo, a lefelo go ema! Eupša ka Lentšu le le le ngwadilwego, ke Morwa wa Modimo, gore, “Ge re kgopela Tate e ka ba eng Leineng la Gagwe, O tla e fa go rena.” Gomme šole O dutše le diaparo tša Gagwe tša Madi. Tefo e lefetšwe, gore rena, ba go se be le maswanedi, re ka Mmatamela, bjalo ka barwa le barwedi, ka morago ga ge re amogetše Kriste bjalo ka Mophološi wa rena.

<sup>25</sup> Gomme re a rapela, Tate wa Magodimong, bošegong bjo, sa pele, go lebalela bokgopo bja rena, le tšohle tše re di dirilego le go di bolela, tše di bego di no se be gabotse pele ga Gago. Gomme, Modimo, re a tseba gore ke dilo tše di sa balwego tše re di dirilego. Eba le kgaogelo godimo ga rena, Modimo, gobane ga re no bolela dilo tše go kwewa, eupša re—re bolela dilo tše ka—ka lerato, le ka tlhomphokgolo, le ka tumelo gore Modimo o tla re kwa le go araba dithapelo tša rena bakeng sa ba bangwe le renabeng. O tseba se se bego se le ka morago ga seatla se sengwe le se sengwe, maikemišetšo le maikaelelo.

<sup>26</sup> Morena, phatlatalša pele diphego tša Gago tše kgolo tše kgethwa, bjalo ka ge go bile, bošegong bjo. Gomme a nke Bogona bja Gago bja go hlomphega bo ikwelwe magareng ga rena, bošegong bjo, gore re tla boifa. Modimo, re nyaka go tseba feela lefelo la rena la go ema bjale. Re a hlodiša, re tsea setoko sa maphelo a rena. E ka no ba pele ga Tlthatlogo, go biletšwa.

<sup>27</sup> Gomme re letile kopano ye e tlogo godimo ka Ramada gosasa bošego, gomme re nyaka go hlodiša maphelo a rena beng bošegong bjo le go bona moo re hlaelwago, gore re be didirišwa ka seatleng sa Gago, letsopa le kgolokilwego le go bopša ke Modimo wa Legodimo, gore re ke re kgone go letela ka go tiragalo ye kgolo ye yeo e diregago, yeo re e beago pele bakeng sa morero wo mongwe eupša bakeng sa Mmušo le letago la Modimo. Šegofatša matsapa a rena a go fokola a beke, Morena, go leka go hudua, magareng ga batho, temogo ya iri ye re e phelago.

<sup>28</sup> Bolela le rena bošegong bjo, ka palo ya Lentšu, gomme a nke O tsee sehlogo le—le go utolla kgwekgwe ka tsela yeo Moya wo Mokgethwa o tla ratago re e tseba. Gomme tumišo yohle e tla ba ya Gago. Re kgopela Leineng la Jesu. Amene.

<sup>29</sup> Bjalo ka ge batho ba bantši ba rata mohuta wa go ngwala dihlogo, le go nagana ka dinako ba tla ratago go lebelela morago go ysona. Gomme makga a mantši, badiredi, boka ke dira, nnamong, re—re ngwala sehlogo dinako tše dingwe, go lebelela go sona. Modiredi yo mongwe o boletše ka yona, gomme re . . .

Kgopolole nngwe ye nnyane e swere monagano wa rena. Gomme re rata go lebelela morago go yona, dinako tše dingwe, go re, "Gabotse, seo . . . ke bone se sengwe ge ba be ba se bolela." Seo se lokile.

<sup>30</sup> Bjale, re nyaka go bala bošegong bjo, ka Beibeleng, go tšwa go puku ya lengwalo la Filipi, Paulo o ngwalela Bafileipi, ka go tema ya 2, 5 go ya go 8. Re rata go bala ye bakeng sa sehlogo, ge le bala le rena, goba go re fa šedi ya lena ya go se arogane ge re leka go E bala.

<sup>31</sup> Bjale, ge le sa phetla go lefelo ka Lengwalong, ke tla rata go re ke filwe, ngwanabolena, monyetla wa go bolela Lamorena le le tlago morago ga sekglela se ka khonferenseng. E be e le maikemisetšo a ka go beng fale bjale beke ka moka, le go dula ntle felotsoko ka go batheeletši, goba felotsoko, ke theeditše le go tlatša godimo le go fepa soulo ya ka mong ka Lentšu la Modimo, bjalo ka ge baena ba rena ba tla le tliša, le mabopaki a borakgwewbo. Gomme go holofela go le bona bohole kua. Kopano e ka morago ga sekglela, kafao dikereke di tla be di tswaletšwe, gohle go dikologa. Lena, le amogetšwe kudu go tla. Re le letetše, yeo le kopano ye nngwe le ye nngwe gape.

<sup>32</sup> Bjale ka go Bafileipi 2:5, re a bala.

*A nke monagano wo o be ka go lena, wo gape o bego o le ka go Kriste Jesu:*

*Yo, a le ka lebopo la Modimo, a se ke a gopola gore go lekana le Modimo ke go pata:*

*Eupša a itira ka boyena wa go se tsebalege, gomme a tšeela godimo ga gagwe lebopo la mohlanka, gomme a dirwa ka seswantšho sa batho:*

*Gomme a hwetšwa a le ka lebopo la motho, a ikokobetša ka boyena, gomme a ba yo a kwago go iša lehung, ebile lehung la sefapano.*

<sup>33</sup> A nke Morena a oketše ditšhegofatšo tša Gagwe go palo ya Lentšu la Gagwe. Ke tla rata go tše, lebaka la metsotso e se mekae ya nako ya lena, go se ke tla se bitšago, goba go rata go se bolela, sehlogo se bitšwago: *Boitsebišo*. Go tsebagatša, go tsebagatšwa ka go swaneng le baanegwa ba Beibe! Go tsebagatšwa ka go swaneng le baanegwa ba Beibe! Gomme bošegong bjo, bjalo ka ge ke naganne, go batameleng go se, ka morago ga ge re bile beke ye re be re bolela ka go Tla ga Gagwe, le ka fao gore Kereke e swanetše go itokiša Yonamong.

<sup>34</sup> Lehono ge ke be ke dutše ka kamoreng, ke bile le se sengwe godimo ga monagano wa ka ke bego ke nyaka go bolela ka sona bošegong bjo, "Sehlabelo sa godimodimo." Eupša, go bonagetše, Moya wo Mokgethwa o bonagetše eke o mokgwa wa go ntšhišinya ka mathoko go tloga go seo, godimo ka go tšhanele ye nngwe ya go nagana. Badiredi bohole ba tseba se seo se lego. Wena,

o nagana o ne se sengwe o nyakago go se bolela, gomme ka gona, ka pelapela, o ikwela gore o swanetše go bolela se sengwe gape, mohlomongwe kgahlanong. Mohlomongwe e no ba bakeng sa motho o tee. Ga ke tsebe. Eupša, ke godile go lekanelā ka go Kriste, go tseba go latela tlhahlo ya Moya. Se Moya o rego dira, se dire.

<sup>35</sup> Ke na le nnete bošegong bjo gore re swanetše go ikhwetša ka borena felotsoko ka go semelo se sengwe sa Beibele, gore re tle re tsebe ditšweletšwa tša semelo seo le go tseba gore ditšweletšwa tša rena e tla ba eng.

<sup>36</sup> Go nkgopotša kanegelo ye nnyane ke e kwelego nako ye nngwe, ya mo—mo mohumagadi, o be a tlišitše mošemane wa gagwe yo monnyane go tšwa—go tšwa ntle ka nageng felotsoko, yeo ba bego ba dula, ka toropongkgolo, go—go etela makgolgawgwe. Gomme mošemane yo monnyane, a phela morago . . .

<sup>37</sup> Ka karolong ya gešo ya naga, ka Kentucky, *naga* e ra go ka ntlong ya dikota felotsoko, ka dikgamathi tša kgale tša dipote tša diphaphathi godimo ga yona. Gomme ka fao seipone sa rena, ka gae, e be e le seripa sa seipone se se bego se kgomareditšwe godimo ga mohlare, moo, ka ntle, moo go lego panka ye nnyane ya go hlatswetša e agilwego godimo ga mohlare, kgauswi le pompi ya go ga, moo tate a bego a tla pompa meetse le go hlatswa diatla tša gagwe, le seripa sa seipone fao. Gomme ke bone Mama a eme ntle fale le go kama moriri wa gagwe, gobane go be go se seipone ka ntlong.

<sup>38</sup> Mohlankana yo monnyane yo o swanetše go be a godišeditšwe ka lapeng le le bjalo. Gomme ge a tlide tlase go etela makgolgawgwe, o be a na le mo—mo mojako woo, ka lehlakoreng la morago la wona, e be e le seipone. Gomme mohlankana yo monnyane o be a le mohuta wa bodutu. Gomme o be a lebeletše gohle go dikologa ntlo. Gomme morago ga nthathana, o diregile go lebelela go kgabola mojako. Gomme o be o tswaletšwe, ge e sa le ba etla ka gare. Gomme—gomme ka seiponeng ka lehlakoring la gagwe, a bona mošimane yo monnyane. Gomme a thoma go ya go mošemane yo monnyane, go dira bagwera le yena. Gomme ge a thoma go lebelela ka galaseng ye, o tlide godimo kgauswi. Gomme a retologa go dikologa, a re, “Gobaneng, mama, yo ke nna.”

<sup>39</sup> Gomme seo ke se re nyakago go se lebelela bošegong bjo. Ke nyaka go itebelela, gomme ke nyaka o itebelele wenamong. Gomme ge re lebelela ka go Seipone se segolo sa Modimo sa Lentšu la Gagwe, a re beng ba rena . . . re kgone go itsebagatša renabeng le ba bangwe bao re yago go bolela ka bona, ba bangwe ba baanegwa ba dinako tše dingwe. Gomme ke nyaka go ipona nnamong ka go—ka go galase ya Modimo ya go lebelela. Gobane, ge e ka ba eng e ka go laetša moo o emego, ke Puku *ye*. Ga go

puku boka Yona, gobane Yohle ke Therešo. Ga ke bolele gore dipuku tše dingwe ga se therešo, eupša ke—ke a tseba ye Tee ye ke therešo. Yohle ke Therešo, gobane Ke Lentšu la Modimo.

<sup>40</sup> Bjale, Jesu o re file Mohlala wa se re swanetšego go be re se lebeletše, ge A bonagatša Bophelo bja Gagwe go rena ka Lentšu, se re swanetšego go se bona. Ge re lebelela ka seiponeng sa Modimo, re swanetše go ipona ka borena re ikamanya le Yena. Wo ke Mohlala wa go phethagala.

<sup>41</sup> Bjale, eupša re hwetša gore, ge re eya mmogo go kgabola bophelo, gore semelo sa rena se kgoloka seswantšho se re lego sona. Yo mongwe le yo mongwe yo motee o tseba seo. Wena, bjalo ka ge o phela, semelo sa gago se bjalo, se go kgolokela go se o lego sona. Bjale, le bone batho bao le no ratago go ba dikologa, efela ba ka no se be tlwa ka go—ka go lešaka la lena la disosaete. Gomme, gape, ba ka no ba ba moloko wa go fapania, makhalate, goba ba batsotho, goba ba basorolwana. Eupša fao feelsa se sengwe ka semelo seo, seo o nogo go rata go ba ka bogoneng bja bona. Ka gore motho yo mongwe le yo mongwe ke—ke motšene wo monnyane wa bona beng, gomme le—le bea seemo ntle.

<sup>42</sup> Gomme ka gona le bona batho ba e bego e le batho ba go hlomphega, eupša go le bjalo ka mehla le be le thabile go tloga go bona. E no ba ba—ba hlola seemo se sebjalo go dikologa mo o lego. Ga go selo kgahlanong le bona, ke batho ba bakaone, eupša o no se rate seemo seo, bona, bona ba . . . bona ba ka gare. Gomme semelo sa bona se hlola e ka ba eng ba lego, se ba dira se ba lego.

<sup>43</sup> Ge Modimo a lebeletše godimo ga tlholo ya Gagwe ye e lahlegilego, ka morago ga ge A e dirile gomme a e beakantše feelsa ka tsela ye A e nyakilego . . . Gomme ke—ke rata go e lebelela ka go setlogo sa yona. Ke—ke rata bophelo bja ntle, ka gore, fao, yeo e swanetše go ba tsela ye A e nyakago, goba A ka be a se a e dira ka tsela yeo. Gomme re tla go dikologa le go e aroša, le go dira se sengwe go tšwa go yona seo se sa Mo kgahlego. Eupša, semelo sa Gagwe sa go rata, se kgolokile; Modimo, go boneng gore ya Gagwe—gore peakanyo ya Gagwe ye kgolo le tlholo ya motho go dula lefaseng, le go phela ka khutšo, le go se tsoge wa hwa, go se tsoge wa babja goba go ba le bohloko bja pelo goba matshwenyego e ka ba afe. Oo, a na—a tsela ye Tate a re filego yona! Gomme yeo e be e le ya Gagwe—yeo e be e le tlholologe ya Gagwe, le yona, go rena go ba ka tsela yeo. Ga se a re kganyogela go ba ka sebopego sa go hwa bjalo ka ge re le. Le, gomme le—le leemo le lefase le lego ka go lona lehono, ga se kganyogo ya Modimo. O be a sa re seo, le gatee.

<sup>44</sup> Eupša ge A bone gore tlholo ya Gagwe e be—e be e wele, bjale semelo sa Gagwe mong sa go rata se ikgolokile ka Boyena ka go Motho wa Kriste. Semelo sa lerato la Modimo Mong se tšweleditše Yenamong ka go Monna, Kriste. Bjalo ka ge Paulo a

bolela fa, “Go se nagane go ba go pata, eupša go itira Yenamong go lekana, go lekana le Modimo, a ke re.” Le a bona? Semelo sa Gagwe Mong se kgolokile mohuta woo wa Motho. Oo, ga go yo motee a bego a ka tsoge a dira seo eupša Modimo. Se se dirilwe gore A kgone go lefela kotlo ya go wa ga tlholo ya Gagwe. Le a bona? O . . .

<sup>45</sup> Go swanetše go ba se sengwe se phološago tlholo ye. Gomme ga se gona se kgonnego go e phološa, gobane mohuta wa godimodimo wa tlholo ya Gagwe o be o wele, le se sengwe le se sengwe ka tlase ga yona se wele le yona, gobane e wele. Fao go selo se tee feela se šetšego, seo se sego sa wa, gomme yoo e be e le Modimo, magodimo. Kafao se sengwe sa magodimo se ile sa swanela go tla fase go lopolla tlholo ye, gobane go be go se selo mo se se bego se ka kgona go le hlola. Gomme lerato la Modimo mong go lefase le hlotše semelo se se hlagišitšwego ka go Kriste. O be a le semelo sa Modimo. O be a le seswantšho sa Modimo se se hlagišitšwego. Ka go Yena go be go le Modimo, Modimo ka go Kriste, a ikutolla ka Boyena go lefase. Gomme ga go lerato le ka tsogego la ba le legologolo go feta lerato lela, gore, Motho yo bjalo o tla ba se A se dirilego, gore a—a lopolle se se bego se lahlegile.

<sup>46</sup> Seo se swanetše, feela kgopolو yela thwi fale, e swanetše go bea Phoenix le lefase ka moka go dihlong, go bona ke seemo sefe seo re wetšego ka go sona. Gomme se . . . Modimo, a itšweletša ka Boyena, go dira polane ya topollo, go—go lopolla semelo se se welego sa rena.

<sup>47</sup> Se se dirilwe gore kotlo e kgone go patelwa, ka gobane kotlo e be e le lehu. Gomme yo motee ka tlase ga kahlolo ya lehu o be a sa kgone go lefa kotlo bakeng sa wa go latela ka tlase ga kahlolo ya lehu. Kafao go ile gwa swanela go ba yo Mongwe a tlagyo a bego a lokologile go tloga lehung, gore a lefe kotlo. Gomme ga a gona yo mongwe a kgonnego go tla eupša Modimo, gobane O be a le Yena a nnoši yoo a bego a lokologile go tloga go kotlo ya lehu.

<sup>48</sup> Bjale, kagona, semelo sa Gagwe sa go rata sa lerato, oo, go rena, se—se dira Johane 3:16 pepeneneng. “Gobane Modimo o ratile lefase kudu gore A neele Morwa wa Gagwe a tswetšwego a nnoši, gore mang le mang a dumetšego ka go Yena a se ke a senyega, eupša a tle a be le Bophelo bjo Bosafelego.” Modimo, a itšweletša ka Boyena, gomme a ba Motho, gore A be godimo ga Gagwe sebopego sa tlholo ya Gagwe. Ka mantšu a mangwe, O fetotše tente ya Gagwe. O e phatlaladitše magareng ga batho.

<sup>49</sup> Gomme segotlane, Jehofa, a lla ka legopong, a o ka kgona go e eleletša? Go swanetše go tšhoša dipelo tša badumedi. Gomme seo sohole se dirilwe . . . A le kgona go eleletša, Jehofa a le lesea ka—ka legopong, ka se—ka setaleng sa morole? A o ka kgona go eleletša seo? A o ka kgona go eleletša, Jehofa yo monnyane a bapala

bjalo ka—bjalo ka mošemane? Ke mohlala. A o kgona go eleletša, Yena bjalo ka motšwamahlalagading? A o kgona go eleletša, Yena ka lebenkeleng la mmetli? Gomme a o ka eleletša, Yena ka go go obamela go go bjalo go Modimo, a ehwa mo sefapanong, go lopolla tlholo ya Gagwe ye e welego? Woo ke mohuta wa lerato leo Modimo a bilego le lona. Gomme O ile a swanela go ba seo, gore a hwe, go swara lebola la lehu.

<sup>50</sup> Bjale, ke a dumela, mašego a se makae a go feta re be re hlagiša se sengwe ka mokgwa woo, ge A tlide. Gomme O rometše baprofeta le banna ba bagolo, gomme O rometše Moshe le baprofeta, gomme O file melao. Eupša bohole ba ba be ba sa kgone go lopolla, gobane ba be ba sa le batho ka tlase ga kotlo ya lehu. Gomme ba be ba sa kgone go lefa kotlo ya lehu, le ge ba be ba le dikotatšhupetšo tše di šupilego go Yena yola wa go phethagala a tlag, gobane ba be ba se ba phethagala. Eupša ge Yena yo a tswetšwe, O tswetšwe ntle le sebe.

<sup>51</sup> Modimo, Jehofa, o apešitše kgarebe ka moriti gomme a hlola sele ya Madi. Gomme ge Yoo a belegwe, E be e le Morwa wa Modimo. Ka mantšu a mangwe, e be e le tabarenekele. E be e le lefelo la bodulo moo Jehofa a kgonnego go phela magareng ga batho ba Gagwe le go itlhagiša Yenamong, se A bego a le.

<sup>52</sup> A mohlala, ka fao gore Modimo yo mokgethwa o dirile go bonagala, gomme morago o tsere legato la mohlanka, go hlapiša maoto! Gomme o boletše, gore, “Dinonyana di ne dihlaga, le—le diphukubje di ne molete, eupša ga Ke ne lefelo go latša hlogo ya Kā.” Gona, a mohlala! Bophelo bja rena bo ka bonagatša bjang, go bja Gagwe? Gomme O dirile mohlala wa se re swanetšego go se dira, ka fao re swanetšego go ba. Re swanetše go Mmona ge o lebelela ka seiponeng. O bone Kriste, seipone sa Lentšu la Gagwe, ka fao A dirilego seo bakeng sa lerato.

<sup>53</sup> Gomme re file terama ye nnyane bošego bjo bongwe, ya Kriste go ya godimo Golgotha, le ka fao dikgato, tša Madi a Gagwe di kitimago go theoga mokokotlo wa Gagwe, moo A ilego a kgobolwa, le go swarwa makgwakgwa, le go tlapiriganywa. Gomme sohle se, bakeng sa gago. O be a se na le sebe. O be a se na le sebe, eupša O be a dirilwe sebe ka go ba moneelo wa sebe.

<sup>54</sup> Gomme bjale Modimo o ile a swanela go—go ikutolla ka Boyena ka go dikgopolole tša Gagwe, ka go Motho yo a bitšwago Kriste, gore a tsee lehu godimo ga Gagwemong. Bjalo ka Jehofa, O be a sa kgone go hwa, kafao O ile a swanela go hlola mmele Yenamong. Gomme ga go mosadi yo a bego a ka kgona go tšweletša mmele woo. Ka fao semelo sa Gagwe Mong... Amene. Ntshwareleng. Ge ke nagana ka sona! Semelo sa gagwe se tšweleditše Motho yola wa go ratega wa Jesu Kriste. Ga go mosadi a bego a ka o tliša. Mmago Moshe, yena, Jogobeda, o be a le mosadi yo mogolo, gomme go bile bjalo Rebeka le bontši bja basadi ba bangwe, eupša ga go le o tee wa bona a kgonnego go

tšweletša mohuta wo wa semelo, ka gore e be e etla ka thobalano ka batho ba ba welego. Eupša Modimo o tšweleditše mmele wa Gagwe Mong, lefelo la Gagwe la bodulo. Ke ka baka leo A bego a le Morwa wa Modimo, ka baka la gore ga go selo gape se bego se ka kgona go o tšweletša. Eupša semelo sa Gagwe mong se Sekgethwa se tšweleditše tabarenekele ye, go itlhagiša Yenamong ka go yona.

<sup>55</sup> Gomme, go le bjalo, O itlošitše ka Boyena go tšwa go selo se segolo se A bego a le sona. Gomme mo tswalong ya Gagwe, A ka be a tlide ka salute ya go tlala ya Morongwa. A ka be a tlide ka dikoloi le Barongwa ba Legodimo, eupša O tlide ka tsela ya ntlopologokelo. Leo ke lerato la Gagwe—la Gagwe, go itliša ka Boyena tlase go la fasefase.

<sup>56</sup> Bjale, o ithuta semelo sela gannyane nthathana gomme ka gona itebelele wenamong, gomme ke itebelele ka bona. Eupša, seo ke se A bego a le sona, ke Yo bego a le Yena, gomme ke ka baka leo A bego a le, go go phološa. O tšere . . . O bile wena, gore o ke o be Yena. O tšere morwalo wa gago wa sebe.

<sup>57</sup> Kagona, ge re etla go kopana le Yena, re ka se swanele go ema . . . Re ka se kgone go ema ka Bogeneng bja Modimo. Ga go tsela go rena go e dira. Eupša ge re eme ka go Yena, le a bona, O šetše a lemogile Sehlabelo. “Yo ke Morwa moratwa wa Ka yo Ke kgahlwago ke Yena.” O e lemogile. Go be go se bosodi go Yena. Gomme, efela, O tlaišegile moleko boka motho e ka ba ofe yo mongwe. Efela, O nyaditšwe. O dirilwe motlæ. O hlomerwe, go tloga iring ye A tswetšwego go fihla iring ye A hwilego, gomme go le bjalo O boeditše botse bakeng sa bobe.

<sup>58</sup> O ka se kgone, ga go tsela, o ka tsogego wa tšweletša Semelo sa go swana le seo; feela, go amogela Semelo sela ka go wena. Kereke e ka se kgone go dira seo. Thutotumelo e ka se kgone go dira seo. Kerekeleina e ka se kgone go dira seo. Thuto e ka se kgone go dira seo. E swanetše go ba Tswalo. E swanetše go ba go—go hwa, le go dumelela Modimo ka gare, ka mogau wa Kriste, go kgoloka mohuta wo wa semelo ka go wena, gore o be Yena, gomme bophelo bja gago le bja Gagwe bo a swana, gona le barwa le barwedi ba Modimo.

<sup>59</sup> Ka gona, ge A be a eya go rotoga thaba, gomme sefapano sa Gagwe se be se gogola mehlala ya maoto, oo, ke duma ge nkabe ke be ke le rabokgabo, ke duma nkabe ke be ke le, nka kgona go bolela gore ka monagano ke kgone go le pentela seswantšho sa Khalibari, sa iri yela ya go boifiša kudukudu yeo lefase le kilego la e tseba, gomme efela, ba be ba sa lemoge se se bego se direga, dimilione di be di sa lemoge.

<sup>60</sup> Gomme a nka kgona go retollela seswantšho sela go se ke se boletšego beke ye? Re tsena gape iri ya go tšhoša, nako ya go boifiša. Gomme Phoenix le lefase di a hlapa, gomme dikereke di a hlapa tšonabeng, ka go bolefase, le ka go dipontšho tša

Hollywood, yo motee a dira go phala yo mongwe. Gomme maloko a rena a ba selefase. Go bonala eke ga ba sware seswantšho, le tlhokofalo, le kutollo, ya go bonagala ga Morwa wa Modimo ka go matšatši a a mafelelo.

<sup>61</sup> A nako ya go befa e bilego! Ba nno tseba gore go be go le mosenyi, ka tlase ga kotlo ya lehu, o be a eya go hwa mosong wola. Seo ke sohle se bilego go bona.

<sup>62</sup> Seo ke ka moka O lego sona lehono, go batho, ge ba ekwa Molaetša. “Monna yo mongwe wa lebelete; mopshikologimokgethwa yo mongwe; goba mokerenko tsoko wa bodumedi.” Gomme ga ke bolele gore ga go mekerenko ya bodumedi. Eupša a le be le tseba feela gore... Ba ba bitša, “Maarogi.” Gabotse, theetšang. Mang kapa mang yo a phelago gabotse ke learogi, go lefase le la sebjalebjale. Rena bohole re maarogi, bjalo ka go bolela bjalo. Gomme ntshwarelang go tlhagišo yeo ya lefase, eupša ke tsela e nnoši ke tsebilego le be le eya go hwetša se ke bolelago ka sona; le a bona, feela wa go se tlwaelege, wa moswananoši, motho.

Jesu o be a le mohuta woo wa Motho.

<sup>63</sup> Baprofeta ba be ba le bona mohuta wa batho, bao ba tlagu ka go lebaka ge se sengwe le se sengwe se be se hwetša dintlha tša go lokaloka. Gomme baprofeta ba a tla gomme ba swara dintlha tše go lokaloka, gomme ba di tliša morago le go di šušumeletša ka sefahlegong sa batho, le go ba botša, “Yena Modimo yoo le tteleimago go mo hlankela o tla le fediša, gobane le ile kgole go tloga go lenaneo la Gagwe. Yeo ke tsela e nnoši A ka go phološago go yona.” Gomme ka mehla ke maarogi.

<sup>64</sup> Gomme, lehono, ge re ekwa Molaetša wa Modimo o etla pele, re nagana gore Ke moradia tsoko, mokerenko, goba se sengwe. Gomme fao, go na le bontši bja yona lefaseng: dikema, go dira tšhelete, go se tshwenyege, batho ka tlase ga megopolu le—le go bolela o ka re e be e le Morena. Morena ka mehla o itsebiša ka Boyena ka therešo. Le a bona? Gomme hlokamelang.

<sup>65</sup> Eupša, ka go seo, a le be le tseba dilo tše go tšohle di swanetše go tla? Nnete. Ro—ro rosa e swanetše go ba le meetlwa ya yona. Moko ka go—ka go koko o swanetše go apešwa kgeru. O swanetše go nyenkulla kgeru go fihla tlase go moko. Re no šitwa go bona dilo tšela. Mabje a bohlokwa, di—di—di dimetale le mabje a bohlokwa, le tšhelete, silibere le gauta ka dithabeng tše, di apešitše ke lerole, di tletše ka diphaerete le dirafša tše dingwe tše di kitimago mmogo le yona. Re letela seo. O swanetše go e epolla. Ge monyakadirafša a hwetša se a se bitšago “patela lerole,” ke lerole, eupša ke... Ba a e bona. E a swantša, ka kua, fao go na le moriti wa tšhika mmayo ya metale felotsoko.

<sup>66</sup> Gomme ge re bona batho ba lehono ba amanago le Bakriste, le go no phela ka tsela e ka ba efe, ke eng? Ke lerole la go lefa. Go na le tšhika mmayo felotsoko. Ge re bona yo mongwe a dira boka

ba ne Moya wo Mokgethwa, mola ba se ne, le go phela bophelo bja go fapano, e no ba netefatšo gore go na le tshika mmayo ya mmapale ya Moya wo Mokgethwa wo o ka kgonago go tshollwa ntle, wo o kgonago go fa dilo tše A di tshepištšego. Re swanetše go be re tshwenyega kudu le tlhomphokgolo.

<sup>67</sup> Jesu, tseleng ya Gagwe go ya godimo. Diabolo ka mehla o be a kamaka Seo e le se sengwe go feta moperfeta. Ga se a dumela gore O be a le Imanuele. Modimo o bonagaditšwe ka go Morwa wa Gagwe Mong, Yena le Morwa wa Gagwe ba le Batee, gobaneng, ga se a kgonago bona seo. Modimo a ka kgonago bjang, Mohlodi yo mogolo, a tsoge a ema le go dumelela yo mongwe go Mmotša, “Gabotse, ge o le Morwa wa Modimo, laela matlapa a go fetoga borotho”?

<sup>68</sup> Gomme O be a ka kgonago bjang, ka go kgorotsheko ya Pilato, ge . . . Swarelang tlhagišo; eupša ge ditshetla di be di le fase, bjalo ka ge re ka e bitša. Gomme šole O be a na le lešela go dikologa sefahlego sa Gagwe, gomme—gomme mašole a Roma a tshwela ka sefahlegong sa Gagwe, le go hloholo maledu, gomme Madi a tšhologa go kgabola. Gomme ka mphaphahlogo wa meetlwa godimo ga hlogo ya Gagwe. Gomme a šetše a iteilwe, gomme Madi a Gagwe a kitima ka go lokologa go theoga mahlakore a Gagwe. Gomme Sathane o šeditše seo. Gomme ka gona ba bea lešela godimo ga sefahlego sa Gagwe, gomme masole a Mo itia godimo ga hlogo ka phata, morago ba e fetišetša yo motee go yo mongwe, ba rile, “Bjale, ge o ka kgonago bona dipono tše, ge o le moperfeta, bjale, re—re botše ke mang a go bethilego.” Gomme Yena ga se a ke a bula molomo wa Gagwe. Ka fao ba gopola gore . . .

<sup>69</sup> Sathane o rile, “Yoo, yoo a ka se be Morwa wa Modimo. E no se kgone go ba. A ka se kgotlelele seo.” Eupša barwa ba Modimo ba kgotlelela e ka ba eng ge feela ba tseba ba dira thato ya Modimo. Gomme seo ke se A tlilego go se dira. Tshwaswalatšo!

<sup>70</sup> Bjale, ka Molaetša wa rena, re ka kgonago ema hleng le galase ya go lebelela ya Lentšu la Modimo le go bona Kriste a bonagala ka maphelong a rena beng gona? A re ka kgonago rwala se sebjalo, le kgobogo ya Molaetša wo re o emetšego mo? Yo mongwe a ka bolela se sengwe ka Wona, gomme efela o no se bule molomo wa gago gomme wa se bolele selo ka wona. O be a le mohlala, ka gore Modimo o be a bonagatša semelo sa Gagwe ka go Yena. Gomme ka gona ge re le barwa le barwedi ba Modimo, Modimo o bonagatša semelo sa Gagwe ka go rena, gona re ba bjalo ka Yena. Yeo ke tlhologelo ya pelo ya ka. Ke a nagana yeo ke tlhologelo ya modumedi yo mongwe le yo mongwe, ke go swana kudu le Yena.

<sup>71</sup> Gomme ka gona tseleng go ya godimo ga thaba, ge Sathane a rile, “Go lokile, lehu, bjale o a tseba ke na le wena ka taelo ya ka. Gomme šole Yena. Mafelelong re Mo lapišitše. Go fihlile lefelong

moo A—A lego bofelong bja bohlale bja Gagwe. Ga A tsebe a dire eng gape. O bile kgobogo magareng ga batho. Molaetša wa Gagwe o wetše moyeng. Gomme bjale mmušo o Mo swere, gomme O fentšwe. Yena ga se Modimo. Eya tlase kua gomme o tsenye lebola ka go Yena. Mo ntšhetše ka ntle ga bophelo.”

<sup>72</sup> Gomme tseleng go rotoga thaba, ge nosi e thoma go bobola go Mo dikologa. Eupša ke ka lebaka leo A ilego a swanela go ba go feta motho. Ge nkabe A bile motho, goba feela moprofeta, goba e ka ba eng go fetwa ke Modimo, ge nkabe A be a le seo, lehu nkabe le Mo lomile gomme nkabe A robetše ka lebitleng.

<sup>73</sup> Eupsa nosi ya lehu e bjalo ka khunkhwane e ka ba efe ye nngwe ka lebola. Ge e ka tsoge ya hwetša lebola la yona le swere go teba, matšatši a yona a go tsetsemetsa a fedile. E gogela lebola la yona ntle.

<sup>74</sup> Gabotse, ge feela nama ya motho e be e le ka go se—se sebopego sa sebe, sa thobalano se tswetšwego ka tlase ga thogako, ka gona ge lehu le tsetsemetsa nama yela, lebola le be le ka kgona go tla morago le go tsetsemetsa le yo mongwe.

<sup>75</sup> Eupsa ge a tsetsemetsa nama *yela*, e gogetše lebola la gagwe ntle. Ga e sa na lebola. O be a le Modimo nameng, a tabaraneketšwe magareng ga batho. Matšatši a gagwe a go tsetsemetsa a be a fedile. Ke ka lebaka leo Modimo a ilego a swanela go iponagatša Yenamong ka mmeleng, e lego, re a tseba bjalo ka Morwa wa Modimo, Jesu Kriste. Gomme O dirile seo gore A kgone go tloša kotlo.

<sup>76</sup> Gobane, le a bona bjale, re ya go karolo ye nngwe ya Lengwalo. Eupša le a bona bjale gobaneng gore Monna yola o be a feta feela morutiši, bjalo ka ge batho ba re ka Yena lehono, rafilosofi, goba Monna wa go loka, goba moprofeta. O be a le Imanuele. O be a le Morwa wa Modimo, e lego Jehofa Modimo a dirilwe go bonagatšwa ka go ditholwanakgopoloo tša Gagwe tša go ipealatša Yenamong ka go mmele woo A o agilego, Yenamong. Amene. E bonagaditše. Gomme tlhago ya sebe ya motho e ka se kgone go dira selo se A se dirilego. Le a bona? Kafao e be e swanetše go ba Modimo a dira le go iponagatša Yenamong ka go Monna, a dira seipone, gore re ke re bone Monna yola wa go phethagala, yo e lego Kriste. Ee.

<sup>77</sup> Se, go dira seo, se bonagaditše sa Gagwe sa go hlomphega, semelo sa lerato. Le a bona, ka go Yena go be go le tholwana bjalo ka Mophološi, gomme e ile ya swanelwa ke go ipealatša ka boyona. Gomme O be a ka se kgone go ba Mophološi gomme a ba motho wa go tswalwa ka tlhago. O be a swanetše go ba go feta motho. Gomme O be a le. O be a le Yena a nnoši a kgonnego go dira se, gagolo gore O be a se ne sebe ka tlhago.

<sup>78</sup> O be a le Modimo ka go Lentšu. Bjale, Mokgethwa Johane, tema ya 1, e hhaloša seo. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.

Gomme Lentšu la dirwa nama.” Modimo o bile nama ge A emelwa, goba ge A ipealatša Yenamong go lefase, ka sebopego sa Morwa wa Gagwe, Motho wa Jesu, Morwa wa Modimo. Modimo o pealaditše Yenamong ka go Motho yola.

<sup>79</sup> A Jesu ga se a re, “Tate wa Ka le Nna re Batee. Tate wa Ka o dula ka go Nna. Ga se Nna yo a dirago mediro. Ke Tate wa Ka. O dula ka go Nna. Ga Ke na taolo ya Ka mong. O dira seo.” Mothopo wa Modimo wa Lentšu, o hlagišitšwe! Amene. Ke ikwela pentecost. Ee.

<sup>80</sup> O be a se na sebe ka tlhago, gomme seo ke selo se nnoši seo se kgonnego go tšweletša Modimo yola wa go hloka sebe, Lentšu, Lentšu go beng Modimo. Gomme lentšu ke mogopolole o hlagišwa. Gomme ge Modimo a naganne ka motswadi, O hlagišitše mogopolole wa Gagwe, gomme—gomme Kriste o be a le boitlhagišo bja Modimo. Amene. Le a e bona? O be a le boitlhagišo bja Modimo, gore Modimo a kgone go ba rena le go phela bjalo ka ge re phela, efela go hlagiša ka phethagalo se motho wa go phethagala a swanetšego go ba, ka phethagalo. O be a le Lentšu la Modimo le hlagišwa le go hlatselwa ka maleba, le tsebagaditšwe. Ge A eme mo lefaseng, O rile, “Ge Ke sa dire mediro ya Tate wa Ka, gona le se ke la Ntumela.”

Gomme O rile, “Ke mang wa lena a ka Mpeago molato wa sebe?”

<sup>81</sup> Ke tla rata go bula seo feela gannyane nthathana go lena, ge go kgonega. Le a bona, *sebe* ke “gosedumele.” Fao go na le feela selo tše pedi, dikanale, tše o ka kgonago go phela ka tšona. Ye tee ya tšona ke tumelo, gomme ye nngwe ye tee ke gosedumele. “Yo a sa dumelego o šetše a ahlotšwe.” Go kgoga, go nwa, go dira bootswa, go aketsa, go utswa, go ekiša ga nama, dilo tše ke ditholana tša gosedumele. Ge o be o le modumedi, o be o ka se dire dilo tše. Aowa. O dira seo gobane ga o modumedi.

Oo, o—o re, o re, “Oo, eupša ke nna modumedi.”

<sup>82</sup> “Eupša le tla ba tseba ka dikenya tša bona.” Le a bona? Tša gago—ditiro tša gago di bolela kudukudu go feta se boipolelo bja gago bo se netefatšago. Le a bona? Ge o sa dumele Lentšu la Modimo, gomme wa Le bala bjalo ka se sengwe se se fetilego, goba go tše puku tsoko legatong la Lona, le go re, “Se se no ba gabotse bjalo ka Sela,” go ya go bontšha gore ga o modumedi. Yeo ke mnene. Ga o—ga o yena. Gomme ge o be o le, gona o be o tla dumela Lentšu la Modimo. Le be le tla . . . O be a tla itlhagiša Yenamong ka Lentšu la Gagwe.

<sup>83</sup> Bjale, O be a le Lentšu la Modimo le hlagišitšwe. Gomme O rile, “Bjale, ge le sa kgone go Ntumela,” o rile, “dumelang mediro yeo Ke e dirago. Phetlang Mangwalo, ka gore ka go Wona le nagana gore le na le Bophelo bjo Bosafelego. Gomme seo ke sona selo se se bolelago gore Ke nna Mang.” Oo! Ke a makala

ge eba . . . ? . . . “Le a bona, Ao ke Wona ao a rego Ke nna Mang. Mangwalo a bolela Yo ke Lego.”

<sup>84</sup> Gomme a nke ke tšeеле seo pejana gannyane, a le tla? Mangwalo ke wona a bolelago se le lego. Ao a go hlagiša le go hlagiša nna. Mangwalo a bolela se re lego. Go godimo kudu gore segalontšu sa rena ebile ga se kgone go kwewa. Bophelo bja rena bo bolela kudukudu go feta segalontšu sa rena, le a bona, gomme ke tsela ya Modimo ya go re dira re bone se re lego.

<sup>85</sup> Jesu o boletše selo sa go swana. “Ke Wona a pakago ka Nna. A netefatša se Ke lego sona. Gomme ke mang wa lena a ka go Nkahlola ka gosedumele, sebe? Ge Ke se ka maleba . . .” Theetšang, ke bolela ka go itebelela wenamong. “Ge ke se ka itsebiša ka bokgwari Nnamong go beng se Lentšu le boletšego gore Ke tla ba sona!”

<sup>86</sup> Ke a makala ge eba rena Bakriste re ka kgona go nagana seo bošegong bjo. Ke a makala ge eba re ka kgona go lebelela ka go galase ya Modimo ya go lebelela, gore dinyakwa ke eng ka Mokriste, le go itsebagatša renabeng ka tsela yeo. Ke a makala ge eba re ka kgona. Ke a makala ge re ka kgona go itsebagatša renabeng bošegong bjo le Johane 3:16, le, oo, mohuta wo mongwe wohle wa Mangwalo; Mareka tema ya 16, le mafelo ohle a mangwe a, ao, le godimo ka go—ka go Bagalatia, ke a dumela, le—le mafelo a go fapana, Bathesalonika ba Bobedi, moo dikenywa tša Moya, le go ya pele. Ke a makala ge re ka kgona go itsebagatša renabeng.

<sup>87</sup> Jesu o rile, “Ke mang wa lena a ka Mpeago molato, gore Nna ga se ke diragatše le go dira feela tlwa se Mangwalo a rilego ke tla se dira.” Ga go yo a bego a ka bolela lentšu, ka gore ka therešo O itsebagaditše ka Boyena.

<sup>88</sup> Gomme bona, bjalo ka ge ba dira ka mehla, moitiramodumedi o Mo tsebagaditše bjalo ka Beletsebubu, moyo wo mobe. Ge A itirile Yenamong go tsebjia ka go tlhatho ya moyo, gore O be a le Mesia, ka gona ba rile, “Woo ke moyo wo mobe ka go Yena, o dira dilo tše.” Kafao, le a bona, O bonagaditšwe ka tshwanelo. Go be go ka se kgone go ba phošo.

<sup>89</sup> Mosadi yo monnyane mo sedibeng o be a sa—o be a sa dire phošo e ka ba efe. O rile, “Mohlomphegi, re a tseba, ge Mesia a etla, O tla dira dilo tše, eupša Wena o Mang?” O . . .

O rile, “Ke nna Yena.”

<sup>90</sup> Gomme Monna yo a ka kgonago go dira selo sa go swana le seo ka nnete o tla bolela Therešo. Therešo ya Modimo e be e na le Yena. Gomme ba be ba romilwe, ge mopropfeta a tsogile le—le go dira, a boletše se sengwe, le se a se boletšego se etla go phethega, o be a tsebagaditšwe bjalo ka mopropfeta. Gomme o Molémogile bjalo ka mopropfeta, gomme o botšišitše O be a le Mang. Gomme O mmoditše, nako yeo seo se e rumme. O kitimetše ka

toropongkgolo le go re, “Etlang, bonang Monna Yo a mpoditšego dilo.” Go be go se phošo ka yona.

Filipi ga se a be le phošo.

<sup>91</sup> Le ge, ge, Nathaniele, a ke re, ge Filipi a lekile go mmotša se se diregilego ge A kopane le Simone, eupša, ge Nathaniele a tlide, o be a le gannyane ka go pelaelo.

<sup>92</sup> Eupša ge a bone Jesu, gomme Jesu o rile go yena, “Bonang Moisraele, yo go sego bomenetša.”

O rile, “Rabi, O ntsebile neng?”

<sup>93</sup> O rile, “Pele Filipi a go bitša, Ke go bone.” Fao—fao go be go se tsela ya go kgonega ya phošo.

<sup>94</sup> O rile, “Rabi, Wena o Morwa wa Modimo. Wena o Kgoši ya Israele.”

<sup>95</sup> Jesu o rile, “Ka gobane Ke go boditše seo, o a dumela. O ka kgona go bona se segolwane go feta seo bjale.”

<sup>96</sup> Tlhago ya Gagwe ya go hloka sebe e hlagišitše Lentšu la Modimo. Le a bona? O be a le Lentšu, kafao Modimo o itšweleditše Yenamong ka tlhago yela ya go hloka sebe.

<sup>97</sup> A nke ke eme fa feela motsotsvana. Ga ke nyake go le swarelela botelele kudu, eupša go no bonala gabotse kudu, go nna, go bolela le batho.

<sup>98</sup> Hlokamelang, le a bona, tlhago ya Gagwe ya go hloka sebe e hlagišitše se A bego a le sona. Yena, gona, ge tlhago ya Gagwe ya go hloka sebe, Modimo o itšweleditše Yenamong ka tlhago yela ya go hloka sebe, go laetša gore tlhago ya rena ke ye mpe. Gomme ga go kgathale re leka bontši gakaakang go e tšhesa, goba re leka bontši gakaakang go e kitela ka dilo tše dingwe, e swanetše go hloka sebe boka ya Gagwe e bile, gomme gona Lentšu la Modimo le ka elela go e kgabola.

<sup>99</sup> Seo ga se re phethagalo ka go wenamong. O ka se be seo. Eupša, le a bona, ebile le batho ba rena ba ya kgole go tloga go go itlwaeša ga bokgethwa. Re thoma go hlephiša mapheko a mantši kudu. Le a bona? Re swanetše go tla lefelong leo la boipolelo bja rena. Ke mohlala wa rena, gomme Ke Morwadi wa sebe sa rena. Gomme ka gona ge re bolela gore Yena ke Modirakhutšo wa rena, Yena ke Seloba sa rena, gona ge re ipolela seo, gona seo se swanetše go bonagatša Yena morago ka go rena. Gomme re epistola ye e ngwadilwego, galase ya go lebelela, yeo batho ba kgonago go bona Kriste ka go rena. Gomme bjale, ge ba sa dire, gona re—re—re lebeletše se sengwe gape, gomme ga se ra lebelela go Yena. “Lebelelang go Yena, mafelelo ohle a lefase, gomme le phele.” Tsela ennoši o ka kgonago. Sebe sa Gagwe . . .

<sup>100</sup> Tlhago ya go hloka sebe e hlagišitše Lentšu la Modimo, bontši kudu, gore Yena le Lentšu ba be ba le Batee. O boletše bjalo. “Nna le Tate wa Ka re Batee. Ka mehla ke dira se se

thabišago. Nna le Tate wa Ka re no ba Batee.” O be a phethagetše kudu ka seswantšho sa Modimo go fihla Yena le Modimo ba be ba hlagišwa selo sa go swana. O be a le nama, Morwa, yo a hlagišitšego Bomodimo bja Modimo. Kafao seo se Mo dirile bomodimo ka go Motho, gore a lopolle motho. Le a bona? Yena le Lentšu ba be ba le Batee. “Mathomong go be go le Lentšu, gomme Lentšu e be e le Modimo. Gomme Lentšu la dirwa nama.” Kafao, Yena le Lentšu ba bile batee, gore Lentšu le kgone go hlagiša le go kgona go laetša go lefase Mohlala woo wa se motho a swanetšego go ba sona.

<sup>101</sup> Gomme motho a ka se be seo ka go yenamong. Ga go tsela go e ruta go yona. Ga go tsela ya go le tšoena. Ga go tsela ya go le kolobetša. Ga go tsela ya go dira selo go lona, feela go le bolaya.

<sup>102</sup> Gomme a nke e tswalwe gape, gomme Tlhago ye mpsha ya tla ka gare. Yeo ke tsela e nnoši, go bolaya tlhago yela ya gago mong, gore o ke o be . . . Gomme ka gona Lentšu le ba selo sa go phela, Le no itlhagiša Lonamong ka wena. Le a bona? Ka gona o lebeletše ka galaseng ya go lebelela, ge batho ba go bona bjalo ka seipone. Ka baka la gore, o a tseba, Modimo o dirile tsela. Batho ba ka se bale Beibele, kafao Modimo o go dirile Beibele. O yona. Se o se dirago, batho ba go lebeletše.

<sup>103</sup> Modimo o rometše diipone tša Gagwe, tlhagišo ya Gagwe—ya Gagwe—ya Gagwe ye e tšweleditšwego ya Yenamong ka go baprofeta, gobane Lentšu le tlide go baprofeta. Gomme ba hlagišitše Modimo ka fale, go le bjalo, seprofeto sa bona seo Modimo a ba filego.

<sup>104</sup> Gomme bjale Modimo o itlhagiša Yenamong ka Morwa wa Gagwe, Kriste Jesu, bjalo ka ge A re tšeela ka gare bjalo ka bana ba ba beilwego, le go bea Moya wa Gagwe ka go rena, re a goelela, “Aba, Tate.” Le a bona? Goba, ka mantšu a mangwe, “Modimo wa Ka, Modimo wa ka!” Le a bona? Gona Moya wo Mokgethwa ka go rena, Moya wa Kriste o hlagiša Jesu Kriste, gomme batho ba a go lebelela. Le a bona?

<sup>105</sup> Gomme ge ba bona maikaketši le se sengwe le se sengwe, ga go makatše, re lahlegetšwe ke Maatla a rena. Letswai le lahlegetšwe ke tatso ya lona.

<sup>106</sup> Oo, ga go tlhago ye nngwe e bego e ka kgona go dira se. Aowa. Ka baka la gore, O be a le semelo sa go phethagala sa Modimo se se kgolokilwego.

<sup>107</sup> Ka gore, e be e le semelo se se welego seo tlhago yohle e bilego le sona. Batho bohle ba bile le semelo se se welego. Ebile le se sengwe le se sengwe seo se bego se le ka tlase ga motho se wele. Se sengwe le se sengwe se na le semelo sa go hwa.

<sup>108</sup> Gomme O be a na le semelo se se phelago, ka fao O se hlagišitše ka go Kriste, gomme O lefile poreisi. Gomme ka gona ka baka la go obamela ga Gagwe, O Mo tsošitše ka letšatši la boraro. Le a bona?

<sup>109</sup> Gomme ka gona O a re fa. Seo se re fa ne—ne netefatšo. E re fa netefatšo, gore, ge feelsa re le ka go Yena, re šetše re tsogile le Yena. Re ka se tsoge le Kriste; re šetše re tsošitšwe le Kriste. Yeo ke nnete. Re ka go Kriste bjale. Gomme ge Kriste a tsogile go tšwa bahung, a ga re tsošwe bahung le Yena? Amene. “Bjale re dutše mmogo ka mafelong a Magodimong ka go Yena.” Oo, nna! Seo se swanetše go le dira Mapresbyterian le goelele. Uh-huh. Ya. Ka kgonthe. Diswantšho tše di hlagišitšwego tša Modimo, di kgoloketšwego ka morago ga fešene ya Kriste, gore lefase le kgone go Mmona ka go wena. Yeo ke galase ya go lebelela go e lebelela.

<sup>110</sup> Ga go tlhago ye nngwe e bego e ka kgona go e dira; e be e wele. Gomme Modimo o tsebagaditše. Lebelelang. Modimo o itsebagaditše Yenamong bjalo ka Motho, gomme o tšere godimo ga Gagwe sebolego sa sebe. Bjale, gabotse, e sega sebe, eupša sebolego sa sebe, gore A tšeet sebe sa modiradibe, le a bona, le go lefa kotlo bakeng sa sona, le go fa modiradibe morago Bophelo bjoo a bilego le bjona pele ga go wa. Oo, nna! Ke lerato lefe Modimo a le hlagišitšego go rena! Le a bona? Naganang ka yona.

<sup>111</sup> Gomme bjale elelwang, ka morago ga ge Jesu a dirile se, ge go be go se yo mongwe gape a ka kgonago go se dira, re laletšwa. Bjale, kereke, naganang ka se motsotso feelsa. Re a laletšwa go bopela semelo sa rena beng go sa Gagwe, ka mogau wa Gagwe. Re a laletšwa, nagana ka yona, go ba dimelo go swana le sa Gagwe. Ge re loketše go bea semelo sa rena fase, le go kgolokwa mo re bego re na le gona, “Hlogothata, monagano wa godimo, barati ba maipshino go feta barati ba Modimo, baphari ba maaka, le basekgotsofale, banyatši ba bao ba lekago go dira gabotse, ba na le sebolego sa bomodimo gomme ba gana maatla a Lentšu.” Modimo a ka kgona bjang go tla ka lefelong la go swana le leo, ge ba gana Lentšu? Ge, A hlokomela godimo ga Lentšu la Gagwe, go Le hlatsela, go Le dira gore le phethagale. Gomme Lentšu le kgoromeleeditšwe ntle, A ka kgona bjang go itsebagatša Yenamong le se sengwe boka seo?

<sup>112</sup> Re swanetše go tšeet yohle, Ebangedi ya go tlala. Re swanetše. Gomme bjale, ka gore re itsebišitše ka borena bjalo ka batho ba Ebangedi ya go tlala, a re kgolokeng semelo sa rena. Re a laletšwa go kgolokelwa ka go Seswantšho sa Gagwe, gore re bonagatše Bogona bja Gagwe. “Gomme mediro ye Ke e dirago, le tla e dira le lena. Bophelo bjo Ke bo phelago, le tla dira bjalo.” Re a laletšwa, ke Modimo, go Mo tšeet bjalo ka Mohlala, gomme a nke semelo sa rena se kgolokwe bjalo ka sa Gagwe. A selo! Nna!

<sup>113</sup> Gona, ge re dumelela semelo sa Gagwe go ba ka go rena, gona re ba barwa, ka go ba le monagano wa Kriste, monagano, e lego semelo sa Gagwe. Monagano wa gago o dira semelo sa gago. “A nke monagano,” Paulo o rile, “wa Kriste, monagano wo o bego o le ka go Kriste, o be ka go lena.” A nke monagano wola wa

Kriste o be ka go lena. O bopa semelo sa morwa wa Modimo. Bjale, ka fao . . .

<sup>114</sup> E nong go theetša motsotso. Re ka kgona bjang go ba le monagano wa Kriste wo o bego o le ka go Yena, gomme ka gona ra gana dilo tše A re laetšego go di dira? Re ka kgona bjang go bea mehlolo mo go fetilego, mola yena Kriste Yenamong a be a le Modimo, gomme Modimo ka go lena. Ka Bogoneng bja Modimo, fao ka mehla go mehlolo. O rile, “Le Mpitša ‘Morena.’ Gobaneng le Mpitša ‘Morena,’ gomme le sa dire dilo tše Ke le laetšego go di dira, Ke le beetše ntle go di dira?” A ga le bone moo re fihlilego, moo kereke e hlahlathelago? Gomme ke e hwetša bontši ka moka magareng ga Mapentecostal a rena, le rena. Re hlahlathela kgole go tloga go mothalo wola wa Bophelo. Re swanetše go tla morago go woo, mogwera, go tla morago, gobane re ba ba bagolo bjale.

<sup>115</sup> Ke bona moo phatlatalatšo ya Banna ba Kgwebo e lego ye kgolokgolo, bontši mohlomongwe bjalo ka se Oral Roberts a nago le sona. Gomme ke hwetša gore ge re eya go ba ba bagolo, gona re ya go dira gagolo, le a bona, feela boka Israele e dirile. Gomme re ya go dira boka re no bapela le ka—ka moka ga bona. Elelwang, “Le batho ba go fapania. Le setšhaba se sekgethwa, boprista bja segosi, batho ba moswananoši.” Gobaneng, rena Mapentecostal re fihlile mo re sa hlwego re le moswananoši go feta e ka ba ofe lefase ka moka. Re no apara, ra dira, ra bolela, ra ya go dira dilo tše ba di dirago; go kitimela gae, go bogela thelebišene, go na le gore re dulele kereke; gomme feela dilo tše di swanago ba di dirago, ka tšona. Re leka go phenkišana, go leka go swana le ba ga Jones. Le a bona? Ga re nyake go dira seo.

<sup>116</sup> Re nyaka go ba, go dira Beibele ye galase ya rena ya go lebelela, le go dumelela renabeng go kgolokwa ke semelo sa Gagwe; go beng le semelo sa Gagwe, monagano wa Gagwe, go dumelela monagano woo o bego o le ka go Kriste go ba ka go rena. Monagano wa Gagwe ka mehla o be o . . .

<sup>117</sup> Monagano wa Gagwe e be e le eng go dira, monagano wo o bego o le ka go Kriste? Ka mehla go dula le Lentšu la Tate. Ga go kgathale se se bego se lebega boreledi, le se se bego se lebega ka tsela *ye*, se be se sa dire phapano ye e itšego go Yena. Lentšu la Tate ke se se balwago. Moghole, ge A kopane le diabolo, ga se nke eibile A šomiša maatla a Gagwe go mo fenya. O šomišitše Lentšu, ka gore yoo e be e le Yena.

<sup>118</sup> A le kile la nagana? Ga se nke A ngwala puku ge A be a le lefaseng. Bokgole bjo re tsebago, ga se nke A ngwala eupša nako ye nngwe. E be e le ka lešabašabeng. Morago o e phumotše, ka kgonagalo, ka morago. Gobaneng A se a ngwala lentšu? Gobane O be a le Lentšu. Le a bona? O phetše Lentšu. Ga re hloke dipuku tše dintši kudu, ge o eba epistola ye e ngwadilwego ya Modimo. Le a bona? Le a bona? Seo ke se Modimo a nyakago le be sona, diswantšho tša Gagwe.

<sup>119</sup> Le a tseba, ka go lefase la bahetene, ka fao bahetene ba beilego godimo modingwana gomme ba patlama bonabeng pele ga modingwana, gomme ba itiriša ka bobona ka go maikutlo a mabjalo go fihla ba dumela gore ba kgona go kwa modimo yo wa go betlwa a bolela morago go bona. Ke taba ya monagano, eupša ka fao go fapanago le Therešo ya Modimo.

<sup>120</sup> Modimo o a go nyaka. Ga a nyake modingwana. Wena o seswantšho se se phelago sa Modimo. Gomme wena o ikala wenamong pele ga Modimo, gomme O go tlatša ka Yenamong, gomme o Mo hlagiša bjalo ka galase ya go lebelela, Kereke ya Gagwe.

<sup>121</sup> A phapano ye re nago nayo. Re nyaka go swana le Presbyterian, Methodist, gomme re no fihla godimo. Gomme se sengwe le se sengwe se swanetše go pholetšhwā le go ba matsaka. Gomme re no ba go ka befa. Le a bona? Le a bona? Re na le... go tšwa mothalong wola wa go itiwa. Etlang morago, kereke. Ke a le fišegela, ka gore go Tla ga Morena go batametše. A nke A be seswantšho sa gago se se hlagišitšwego, a itlhagiša Yenamong ka go wena, gobane ka mehla O be a dira tlwa Lentšu la Modimo.

<sup>122</sup> Seo ke se baprofeta ba se dirilego, yo mongwe le yo mongwe. "Lentšu la Morena le tlile go baprofeta." Gomme ke ka mokgwa wo ba tsebilego ba be ba le. Moshe, Lentšu la Morena le tlile go Moshe. Bontši... Lentšu la Morena le tlile go Noage. Lentšu la Morena le tlile go Daniele. Lentšu la Morena le itlhagišitše Lonamong ka bana ba Bahebère. E be e le eng? Ge banna, ba lebakə e ka ba lefe, ba tṣere Lentšu la Modimo, gona Modimo o hlagišitše Lentšu lela go bona.

<sup>123</sup> Noage o be a le seswantšho gomme leswao la kahlolo ye e tlago ya Modimo, gomme o hlagišitše Lentšu. Gomme ka go dula le Lentšu, Lentšu la go swana a le hlagišitšego, le ahlotše lefase le go phološa ntlo ya gagwe mong.

<sup>124</sup> Daniele o be a rerile ka pelong ya gagwe, o be a sa ye go itšhilafatša ka boyena ka lefase. Gomme e dirile eng? E phološitše bophelo bja gagwe. Bana ba Bahebère, tsela ya go swana.

<sup>125</sup> Gomme motho yo mongwe le yo mongwe yoo a kilego a hlankela Modimo, o bile seswantšho sa Modimo, o be a le Modimo a hlagiša Lentšu la Gagwe mong ka bona. Gobane, bana ba Bahebère ba rile, "Modimo wa rena o kgona go re lokolla." Ba be ba se ne kutollo ya yona, go no swana le yeo. "Eupša," ba rile, "golebjalo, re ka se khunamele seswantšho sa gago." E be e le eng? Ba be ba hlagiša tumelo ya bona ka go Lentšu la Modimo. Gomme Modimo o itšweleeditše ka Boyena morago le go bonagatša, gomme O be a le Monna wa bone yo ba mmonego, ka seiponeng sela ka kua. Modimo, a itlhagiša Yenamong ka diswantšho tša Gagwe tša go phela! Oo, nna!

<sup>126</sup> Bjale a re lebeleleng ka go—ka go seipone sa Modimo, Lentšu, gomme re tsebagatše semelo sa rena sa bjale. Bjale, nka no le soba gannyane.

<sup>127</sup> Nka se tsee nako ye ntši gape. Oo, nna! Ke be ke sa tsebe go be go le thari, kotara morago. Ga ke ne sešupanako mo.

<sup>128</sup> Ke šeditše bošego bjo bongwe bja go feta, le go rera e ka ba diiri tše pedi. Ke naganne, “Nna, e no ba iri ya bošupa. Ke dira gabotse, go no thoma go huthumela.” Gomme mo e be e le masometharo go tšwa go senyane, nako ya go tloga.

<sup>129</sup> Hlokamelang. Re ka se dule boteletšana kudu, go le bjalo. A nke ke no le fa se bjale. Lebelelang. [Ngwanešu o re, “Rera.”—Mor.] Hlokamelang. Ke a go leboga. Le a tseba, ge . . .

<sup>130</sup> A re boneng ge re ka kgona go itsebagatša renabeng. Bjale theetšang. Hwetsang se bokgauswi, se ke se bolelagoo bjale, semelo sa rena sa bjale. Ke ya go ya ka go nokologa ka kgonthé. Ke e nyaka e nwelele botebong ka kgonthé bjale, pele re tswalela. Ge o phetše ka matšatšing a Noage . . . Bjale, e no nagana ka se o lego sona. Ipotegele wenamong. Gobane, ge o ka se ipotegele wenamong, o ka se botegele Modimo.

<sup>131</sup> Ge o phetše ka matšatšing a Noage, gomme o be a le ka go semelo sa gago sa bjale, ke sehlopha sefe o bego o ka itsebagatša le sona? Bjale nagana ka yona. Ke sehlopha sefe?

<sup>132</sup> Ge, lehlanya la kgale šele le eme godimo fale mo thabeng, leo le netefaditšwego, gape le gape, lebaka la mengwaga ye lekgolo le masomepedi, gore o tšwele monaganong wa gagwe, gobane ka go phethagala o akanyetšapele gore go ne meetse a theogela tlase go tšwa godimo fale. Gomme didirišwa tšohle tša bona tša saense di netefatša gore a be a se gona. Gomme gobane ga se e sepelelane le dilo tša bona tša saense, Ramaatlakamoka Modimo a ka tsoge a dira bjang se sengwe seo se lego kgahlanong le go fa mabaka ga bona beng? Le a bona? Gomme monna go be go bolelwa ka yena. O be a le sesegwa sa nako.

<sup>133</sup> Bjale, ke a makala. Ya. E no botšiša seo, ke sehlopha sefe o ka itsebišago le sona? Ka kgopoloo ya go tsebalega ya letšatši?

<sup>134</sup> Oo, o re, “Ke—ke nna wa kereke.” Seo ga se se ke bolelagoo ka sona. Ba be ba na le dihlopha tše ntši tša kereke ka letšatšing leo, go molaleng kudu go feta ka mo ba nago bjale.

<sup>135</sup> Eupša fao go be go le yo mongwe ka mo—mo molaetša go tšwa go Modimo. Yeo ke therešo. Gomme e be e sa tsebalege kudu. Sehlopha sa gagwe se be se se sa tlwaelega kudu, gobane o be a tšewa go ba lehlanya. A o ka lokela go itsebagatša wenamong le sehlopha selaa sa lehlanya?

<sup>136</sup> Tsela e nnoši o ka tsogego wa e dira, e tla ba ka Yona ka sebele go utollwa go wena. Gomme a le be le tseba yeo ke tsela e nnoši yeo Modimo a agilego Kereke ya Gagwe?

<sup>137</sup> Lebelelang ka serapeng sa Edene, Abele o tsebile bjang gore e be e le madi go na le apola? Oo! Le a bona? E be e utollotšwe semoyeng.

<sup>138</sup> Gomme, lebelelang, ge Jesu a be a le mo lefaseng, O rile, nako yela ye kgolo ya go tsebega yeo A bego a bolela, “Batho ba re Nna Morwa wa motho ke mang?”

“Ba bangwe ba bona ba rile, gobaneng, O ‘Moshe,’ goba O ‘Jeremia,’ goba ‘yo mongwe wa baprofeta.’”

<sup>139</sup> O rile, “Eupša Ke—Ke tla thwi go ntlha. Le nagana eng ka Yona? Le a bona? E sego se yo mongwe gape a se bolelago bjale, eupša Ke nyaka go tseba se le naganago ka Yona?”

<sup>140</sup> Gomme ke ge Petro a boletše gomme o rile, “Wena o Kriste, Morwa wa Modimo yo a phelago.”

Bjale šetšang ka tsela ye A e tsopotšego.

<sup>141</sup> Bjale, re a tseba gore kereke ya Katoliki, e sego go gobatša maikutlo a Makatoliki, eupša le rile O e agile godimo ga Petro, go beng leswika le lennyane. “Godimo ga leswika le Ke tla aga Kereke ya Ka. Dikgoro tša hele di ka se kgone go fenyka kgahlanong le Yona.” Le a bona? Bjale, ge go le bjalo, gona kereke e kgelogile. Le a bona? Bjale, gona, ge go bile, e agilwe godimo ga motho.

<sup>142</sup> Bjale, Protestant e re O e agile godimo ga Gagwemong, e bego e le Letlapasekhutlo le Legolo, Leswika. Gomme, seo, seo se na le bontši ka moka bja Therešo go sona.

<sup>143</sup> Eupša a nke ke no lahlela se sengwe gape ka go seo, feela—feela go e swinela gannyane nthathana. Ke ya go ganana le bobedi, ka go bolela se, gore e be e se A bego a bolela ka Yenamong, thwi, eupša ka kgonagalo O be a bolela ka Yenamong. Gomme ga se A akaretše Petro gape go feta boipolelo bja gagwe ka yona.

<sup>144</sup> Gobane, lebelelang se A se boletšego, “O wa lehlogenolo wena, Simone, morwa wa Jona, gobane nama le madi ga se tša utolla se go wena. Ga se nke wa ithuta se ka boitemogelo tsoko bja seminari, goba yo mongwe o go boditše ka yona. Eupša Tate wa Ka yo a lego Legodimong o utolotše se go wena.”

<sup>145</sup> Gona, ke kutollo ya semoya ya Yo Jesu Kriste a lego. Ke tlwa. Gomme O rile, “Godimo ga leswika le, godimo ga kutollo ya semoya, Ke tla aga Kereke ya Ka.” Go laeditše gore dikgoro tšohle tša hele di tla ba kgahlanong le yona, eupša di ka se fenyka kgahlanong le yona. Le a bona? “Ke tla aga Kereke ya Ka, gomme dikgoro tša hele di ka se kgone go fenyka kgahlanong le Kereke ye.”

<sup>146</sup> Kafao, le a bona, Noage o bile le kutollo ya semoya. Modimo o be a boletše thwi le yena. Abele . . .

<sup>147</sup> Ge Kaine a neetše dikenywa tša tshemo, bjalo ka diapola le dikenywa, le go ya pele, le go dira aletara ya gagwe gabotse, gomme o rile, "Modimo o tla amogela se gobane ke dirile sohle *se*, le go lokiša dialetara tše kgolo. Gomme ke kgabišitše. Ke e dirile ye botse. Re na le kereke ye kgolokgolo kudu ka toropongkgolo, goba go ya pele. Modimo o tla e amogela, ka go ye." O amogela mošomo wa diatla tša motho, ka topollong.

<sup>148</sup> Eupša Abele o tlišitše kwana gomme a neela madi, gomme Modimo o pakile gore o be a lokile. O e tsebile bjang? Go be go se Lentšu le ngwadilwe ka go wona matšatši. E be e le kutollo, gomme go bjalo le lehono.

<sup>149</sup> O re, "Gabotse, ke wa kereke. Kereke ya ka e lokile bjalo ka kereke ya gago. Bobedi di dirilwe ka mohuta wa go swana wa go aga, mohuta wa go swana wa materiale." Yeo ke nnete. Moago ga o ne selo go dira le yona.

<sup>150</sup> Mokgatlo ke sehlopha sa banna ba ba tlago mmogo, ba dira sephetho sa se ba se emelago, gomme seo ke sona. Ga go selo kgahlanong le seo, seo se lokile, eupša seo ga se se ke bolelago ka sona. Le apara mohuta wa go swana wa diaparo, mohlomongwe, ge eba di lokile, se badumedi ba bangwe ba tla se dirago, gomme go le bjalo seo ga se e dire.

<sup>151</sup> Eupša bjale lebelelang fa. Se e lego, ke kutollo ya semoya ya Lentšu la Modimo. Gore, se sengwe le se sengwe gape se fošagetše eupša Lentšu lela, gomme o a Le dumela. O be a le Lentšu, gomme Yena ke Lentšu, gomme ka mehla O tla ba Lentšu. Gomme ge Modimo a kgona go bula kanale yela, gona A ka kgona go elela ka tokologo ka mmele wola o hlwekišitwego. Bjale, bjale, re lemoga seo.

<sup>152</sup> Ge o be o le ka letšatšing leo, o be o tla tsebagatšwa le sehlopha sefe; le moprofeta, ka Lentšu le le hlatseditšwego, le ge ba be ba le ka bonnyaneng? Goba, a o be o ka ba le setshaba sa kgopolu ya go tsebalega? “Gabotse, ke a le botša, ke a dumela monna yola o a gafa.” Gomme tsela e nnoši yeo o ka tsogego wa tseba o be a sa gafe ke bakeng sa Modimo wa go swana go utolla go wena selo sa go swana A se utolotšego go Moshe.

<sup>153</sup> Gomme tsela e nnoši re ka tsogego ra kgona go ba diswantšho tša Modimo, le barwa ba Modimo, ke go Modimo go utolla go rena, le go itlhagiša Yenamong ka Lentšu la Gagwe, go rena, le rena go lefase. Yeo ke tšhanele e nnoši. Ka gore, Kriste o be a le Seswantšho mo lefaseng, se o bego o kgona go se bona, Modimo ka go Monna, Seswantšho se se hlagišitšwego sa Modimo, gobane Modimo o be a le ka go Yena kudu gore ba be ba le Batee. Gomme bjale ge Kriste a tlogile, O hlwekišitše Kereke, gore Kereke e ke e tsee lefelo la Gagwe le go hlagiša Lentšu la Modimo. Le a bona? Yeo ke tsela e nnoši e ka kgonago go dirwa. Oo, nna!

<sup>154</sup> A le ka ba le setshaba sa go tsebalega se se bilego le kgopolo ya go tsebalega? "Ge feela ke le wa kereke!" Gomme

mohlomongwe, "Ka gobane ke binne ka Moya, ke lokile." Mohlomongwe, "Ka gobane ke boletše ka maleme, ke lokile." Goba mohlomongwe, "Re na le modiša wa go loka, gomme ke gabotse." Bjale, dilo tšeо ke tša potego. Ga ke ne selo go bolela kgahlanong le seo. Yeo ke therešo.

<sup>155</sup> Eupša peakanyo ye ya phološo ke taba ya motho ka motho le wena. Go bolela ka maleme ke mpho ya Modimo. Go bina ka Moya ke Bogona le Letago la Modimo. Eupša go wena go dumelela semelo sa gago go kgolokwa ka go seswantšho sa Modimo, gore O itšweletša ka Boyena, gomme wena o—gomme wena o modingwana wa Gagwe, o sepela godimo ga lefase, seswantšho se se hlagišitšwego sa Gagwe.

<sup>156</sup> Bjale, a o be o ka rata go dira seo ka matšatšing a Noage? Goba a o ka be o bile ka go lehlakore la go swaswalatša, o swaswalatša bobedi moprefeta le molaetša wa gagwe wa go romelwa ke Modimo? Bjale naganang ka yona. Ke lehlakore lefe o tla naganago, ka go seemo sa gago sa bjale, o bego o tla le tšea? Bjale botegang. [Ngwanešu Branham o a kgohlola—Mor.] (Ntshwareleng.) Ga go bohlokwa go nna go leka go e bolela. Wena, o swanetše go e nagana, wenamong.

<sup>157</sup> Goba ka matšatšing a Eliya, ge a boletše go lekanel ka difahlego tša go pentwa, le—le mohumagadi wa sebjalebjale wa iri, Isebele yola, a dutšego fale a retolla hlogo ya monna wa gagwe—wa gagwe ka tsela efe kapa efe a nyakilego go ya? Gomme ge eba e nyakile goba aowa, o e retolotše, go le bjalo. Gomme bareri bohole ba dumeliana, "Seo se lokile. Le a bona, seo se lokile, gobane kgošigadi ya rena!" Le a bona? Gomme tšohle ga bonolo di wela ka go mokgwa woo.

<sup>158</sup> Ge seo e se seswantšho sa lehono, ga se ka ke ka se bona. Dilo tšohle tše tša botlaela tšeо batho ba di dirago, gomme, efela, ka Leina la Kriste. Ge A be a le molato wa tšeо tšohle? Ga a ne molato wa e ka ba ofe wa tšona. O tseba bjang moo A . . .

Lentšu le a e hlagiša. A re nong go latela fase metsotso e se mekae gomme re bone.

<sup>159</sup> A o be o ka ba ka lehlakoreng la go swaswalatša? A o be o ka ba tlase kua le Eliya, o eme kua ge Eliya a be a bonagala go ba yo motee a nnoši, gomme yo mongwe le yo mongwe o naganne o be a le mouwane wa kgale goba se sengwe? Eupša seo ga se nke sa mo tshwenya nthathana. O bile le Lentšu. Gomme o be a na le Lentšu, gomme o be a sa boife ka Lentšu. O be a sa fšege, ka Lona. Motho mang kapa mang yo a nago le Molaetša wa Modimo ga a boife selo. Yeo ke mnete.

<sup>160</sup> Stefano yo monnyane wa kgale o eme mosong wola pele ga Sanhedrin, o rile, "Gobaneng, lena ba melala ye methata, mašoboro ka pelong le ditsebeng, ka mehla le ganetša Moya wo Mokgethwa. Go swana le ge botatago lena ba dirile, ka fao le a dira."

<sup>161</sup> Beibele e rile, “Sefahlego sa gagwe se be se le boka Morongwa.” Ga ke dumele, go swana le seetša sa mohlakase goba se sengwe. Morongwa o tseba mo a emego. Morongwa ga a boife selo. Ke Motseta go tšwa go Modimo.

<sup>162</sup> Gomme monna mang kapa mang ka Molaetša wa Modimo o tseba mo a emego. Ga a kgathalele motho, se ba swanetšego go se bolela ka Wona. Ga go dipišopo goba selo gape se mo kgoromeletšago gohle. O tseba tlwa moo a emego, gomme seo se a e ruma. Modimo o hlatsela Molaetša wa gagwe le go netefatša gore O a rereša, kafao o ema thwi le Wona. Ga a ne poifo. Seo ke seswantšho se se hlagišitšwego sa Modimo.

<sup>163</sup> Seo ke se Jesu a se dirilego. O be a sa boife go re, “Oo, lena Bafarisei ba difofu, ke lena—ke lena le agago mabitla a baprofeta, gomme ke lena le ba beilego ka fale. Ke lena ba tataweno, diabolo,” le dipišopokgolo le se sengwe le se sengwe gape. O be a sa boife, gobane O tsebile moo A bego a le. Ee.

Ka matšatšing a Eliya, ke lehlakore lefe o bego o ka le tšea?

<sup>164</sup> Goba, ka matšatšing a Moshe, ge go be go le molaetša wa Modimo, o hlatselwa ka go tsenelela. Bjale theetšang. Ka go semelo sa gago sa bjale, o re, “Ke nna Mokriste.” Go lokile. Ke no ya go g botšiša, semelo sa lena sa bjale, ke boemo bofe o ka bego o bo tšere? Ge, Dathane a phagamela godimo gomme a re, “Bjale ema motsotso feela. Go na le banna ba bakgethwa ba bantši go dikologa mo ntle le wena, Moshe. Re tla no hwetša sehlopha sa banna le go re direla taba ye kgolo fa. Gomme selo sa pele o a tseba, re tla ba le dipišopo le dipišopokgolo, le se sengwe le se sengwe gape, go dikologa fa. Gomme Modimo o ka go batho ba Gagwe, selo ka moka. O se ke wa nagana gore o legakabje le nnoši godimo ga lebopo.” Ge, Dathane a eme fale, o rile, “A lena batho ga le nagane seo? Monna yola o tšea bontši kudu ka diatleng tša gagwe mong. O a leka, go re botša re dire eng. Gobaneng, ka go lešaba la—la bontši go na le keletšo, go na le—go na le polokego. Gobaneng, bohole re swanetše go tla mmogo le go rarolla selo se ntle.” Eupša fao go be go le molaetša wa Modimo, o hlatsetše molaetša wa gagwe.

<sup>165</sup> Ga ra swanelo go botšiša yo mongwe gape se sengwe ka Molaetša wo re o rerago. O ngwadilwe fa ka Beibeleng, gomme Modimo o netefatša gore O lokile. Kafao gobaneng o swanetše go ya ntle le go re, “Bjale, wena Mokatoliki, re swanetše go dira eng ka se? Re tla tšoena mo—mo Mohlakanelwa wa Dikereke. Re tla hwetša. Re tla tla mmogo le bona baena le go bona ka fao ba agilego dihlopha tša bona tše kgolo.” Rena batho ba pentecostal ga re hloke seo. Ga re hloke go tšoena Khansele ya Dikereke tša Lefase. Re hloka go tšoena sehlopha sa Magodimong, maatla a pentecostal, go phagamišetšwa godimo ka go mafelo a Magodimong. Ga re hloke dilo tšela.

<sup>166</sup> Eupša, le a bona, ke lehlakore lefe o ka bego o le tšere, ka go semelo sa gago sa bjale, ge Dathane a ka be a tsogile le go bolela seo, gomme o be o eme kua ka nako yeo? A o ka be o swareletše go molaetša le motseta wa Modimo, gomme wa dula hleng le ona, gomme wa hlatsetšwa go tsenelela go ba Therešo? Goba, a o ka be o tšere dipampiri tša gago—tša gago gomme wa ya godimo le go tšoena sehlopha tsoko se sengwe? Oo, yeo ke, le a bona, e no nagana ka yona.

<sup>167</sup> Ge go bonagetše yohle e be e le kgahlanong le molaetša wa Modimo wo o hlatseditšwego le motseta wa lebaka leo, ditshetla di be di le tlase go Moshe. Se sengwe le se sengwe se be se ile, go bonagetše eke Modimo o be a mo tlogetše. Eupša ba be ba bone Modimo a dira se sengwe. Ba tsebile Modimo o be a le ka go sona.

<sup>168</sup> Bjale, goba, ka matšatšing a Kriste... Re tla hlaganelia. Ka matšatšing a Kriste, ke lehlakore lefe o bego o ka le tšea, ge dikereke tšohle tše kgolo le baithutamodimo ba bona ba sebjalebjale le barutiši ba be ba le kgahlanong le Yena le dikokwane tša Gagwe, le Thuto ya go hlaka ya Lengwalo? Ba be ba le kgahlanong le Yona. Ge kereke ya gago ye o ilego go yona e rile, “Moisa yola ke lehlanya. Gabotse, ga se a ke a tšwa go diseminare tša rena. Ga re ne rekoto ya gagwe a eya dikolong tša rena. Ga A ne karata ya kopanelo. Ga A rwale ditshwanelego. Kafao, mothaka o a gafa. Le sē be le selo go dira le Yeo,” o be o ka dira eng ka go seemo sa gago sa bjale? E no e botšiša motsotsso. Go lokile. O ka be o dirile eng? Ge A...

<sup>169</sup> Ge nkabe o phetše mo letšatšing lela, gomme o bile wa—wa—wa Sanhedrin, gomme seo se swana le—le Khansele ya Dikereke tša Lefase. Gomme kereke ya gago e be e le waa sempahato ka go yeo, gomme ba ka be ba tšere dilo tše tšohle. Gomme Monna yo o emeletše, gomme le Mmone a dira mediro ya Modimo, gomme ga go yo a bego a ka kgona go emelana le Yena. Go le bjalo, O be a swanetše go ba “Monna wa segafa, go tšwa hlogong ya Gagwe.” O be a...

<sup>170</sup> Modimo ntshwarele bakeng sa tlhagišo ye, eupša O be a le yo mongwe wa “maarogi” a letšatši leo. Le a bona, ke dira seo gore le tle le kwešiše.

<sup>171</sup> Gobaneng? O be a le wa go tswalwa Legodimong. Semelo sa Gagwe se be se le Godimo. E be e sa—e be e sa sepedišane le boingwadišo bja mohlakanelwa wa lefase le. Le a bona? O be a se mohuta woo wa motho. E tla ema kae ge bohle moithutamodimo, barutiši bohle, ba re, “Monna yo o tšwa kae? Ebile ga re tsebe moo A tšwago”?

<sup>172</sup> Ge A fodišitše monna wa sefofu, ba rile, “Gobaneng, ga re tsebe moo Monna yo a tšwago gona. Efa letago go Modimo. Ga re tsebe selo ka Monna yo. O tšwa kae? Rena, ga re na le pego ya Gagwe. Yena ga a godimo ga peakanyo ya renas. Yena ga a godimo

ga lekgotla la rena la balaodi. Yena, Yena ga a gona. Ga a gona wa bona a tsebago selo ka Yena. O tšwa kae?"

<sup>173</sup> Monna wa sefolu o rile, "Seo ke selo sa go tlaba, gore Motho a ka bula mahlo a ka, gomme efela ga le tsebe moo A tšwago. Gomme le swanetše go ba baetapele ba letšatši le." Ya. O rile, "Bjale, ge eba A le modiradibe goba aowa, nka se kgone go bolela seo. Ga ke moithutamodimo. Eupša selo se tee ke se tsebago: moo ke bego ke fofufetše, bjale ke kgona go bona." Yeo ke yona. Seo ke se se bolelago. O nyakile go bona. Ee.

<sup>174</sup> Tsela, bohole ba sebjalebjale, barutiši bohole ba Beibele ba be ba le kgahlanong le Yena le Lentšu la Gagwe la go segwa ka therešo go tšwa go Modimo. Le a dumela O be a le wa motheo ka go felela, a ga le, ka go thuto ya Gagwe? Eupša e sego go ya ka dikolo tša bona. A seo se nweletše ka gare? Re tsebile bjang O be a le wa motheo? O ba botšišitše, "Ke mang a ka go Nnetefatša ka sebe? Phetlang Mangwalo. Ke Wona a pakago ka Nna. A le botša tlwa. Bjale, ge ke sa dire se Lengwalo le se bolelago, gona Tate ga a hlatsetše seo ka Nna, gona Ntahleleng ntle; Ke phošo." Ee, mohlomphegi. Bjale, re hwetša gore ba be ba le kgahlanong le Leo, Lentšu la Modimo la therešo.

<sup>175</sup> Oo, a seemo sa gago sa bjale se tla go tsebagatša le Yena, goba le sehlopha sela sa go foufala sa Bafarisei? A seemo sa gago sa bjale, a o ka swarelela go dithutotumelo tša gago—tša gago tša kereke ya gago? A o ka swarelela go yona gobane modiša wa gago o be a le, mohlomongwe, o tla re, "Gabotse, ke monna wa go loka"? A ka kgona go ba monna wa go loka gomme a šala a sa fofufetše. Nnente. A Jesu ga se a ke a re, "Lena baetapele ba difofu"?

<sup>176</sup> Bjale, ka seemong sa gago, e no eleletša bjale, o be o tla dira eng? O tsebagatšwa kae magareng ga lešaba kua? Leemo la gago la bjale ke eng? A o ka ba le Mofarisei, "Gabotse, ke a go botša, mme wa ka o be a le wa kereke ye, gomme yeo se no ba gabotse bjalo ka e ka ba efe ya tšona. Ke tla no dula thwi fa"? Le a bona?

<sup>177</sup> Gomme ge le bone Lentšu la Modimo le hlatselwa, Ke Therešo, ka motseta, gomme le puruputša Mangwalo gomme le a Le tseba. Eupša kerekeleina ya lena—ya lena e rile, "Matšatši a mehlolo a fetile. Ga go na selo se bjalo ka seo." Bjale, o be o tla dira eng ka go seemo sa gago sa bjale? Bontši bja lena le e hlagišitše.

<sup>178</sup> Ge o be o ka bolela ka pelong ya gago bjale, "Aowa, ke be nka se be le bona Bafarisei. Ke be nka se tsebagatšwe le bona," gona go reng ka bjale? Lengwalo le re O a swana maabane, lehono, le go ya go ile. Go reng ka bjale? O re, "Ke be nka se tsebagatšwe le bona Bafarisei." Go reng ka bjale? Le a tseba, histori e a ipušeletša ka boyona. Ke ripile seripa go tšwa pampiring, letšatši le lengwe, ka seo. Bafarisei ba letšatši lela ba tšere go ema

kgahlanong le Yena, ka lebaka la go kgethologanya. Seo ke selo sa go swana ba se dirago lehono.

<sup>179</sup> Elelwang, Nikodemo o boletše selo se se swanago. Yena o rile, “Rabi, re a tseba gore Wena o morutiši yo a tšwago go Modimo.”

<sup>180</sup> Eupša ka gobane dithutotumelo tša bona le dikerekemaina di ka se amogele molaetša wa Gagwe, gona ba ganetša e ka ba mang gape. O rile, “O ka se tsene, wenamong, gomme o ganetša ba bangwe go tsena.” Ya. A seemo! Ke a makala ge eba re ka itsebagatša renabeng le se sengwe boka seo?

<sup>181</sup> Ge nkabe le Mo latetše go no bona mehlolo ya Gagwe, bjalo ka ge bontši bo dirile, gomme le Mo latetše lehono ka kerekeng, go no bona mehlolo ya Gagwe le go dula tikologong. Eupša go bea seatla sa gago fase, go amogela Moya wo Mokgethwa, wenamong, o ka se e dire. Ba ka se e dire. Ba bantši ba Mo latetše feela go mehlolo ya Gagwe, go e bona. Eupša ge A dutše fase go Thuto ya kgonthe ya Lengwalo, lešaba la sepela go tloga go Yena.

<sup>182</sup> Mola, ba be ba tla Mmona a fodiša balwetši le go bula mahlo. Gomme motho a ka kgwatha kobo ya Gagwe, gomme O tla retologa go dikologa, a ba botša dilo tše. Le go botša Filipi le Nathaniele, le bohile ba, dilo tšela. Gobaneng, mosadi mo sedibeng, le dilo tše tšohle, gore O itsebagaditše Yenamong go ba mo—mo moprofeta yo Moshe a boletšego ka yena, Kriste, Mesia. Ge ba be ba se ba ke ba ba le moprofeta lebaka la makgolonne a mengwaga, gona mo go lefelotiragalotiragal go tšwile Jesu yo, go netefatša O be a le, le a bona, gore O be a le Mesia.

<sup>183</sup> Ba bantši ba bona ba Mo latetše gobane, karolo ya mathomo ya bodiredi bja Gagwe, O ile go tloga kerekeng go ya kerekeng. Oo, ka lethabo ba Mo amogetše, gomme ba Mo fa seatla se segolo. “Oo, Rabi, oo, O moisa yo mogolo!” Eupša letšatši le lengwe O dutše fase ka Therešo ya Lengwalo. Gomme ka gona ge A itsebiša ka Boyena, e sego feela bjalo ka Mofodiši, eupša bjalo ka *wa go rongwa go tšwa go Modimo*, ka Therešo le Bophelo, ge A itsebagaditše Yenamong go Seo, oo, Seo se be se le kgahlanong le motlwae wa bona, ebile le go ba bantši bao ba Mo latetšego.

<sup>184</sup> Ba masomešupa ba retologile gomme ba tlogile. Le ka be le dirile eng? Bjale, naganang ka yona. Ge, Monna yo le mmonego a dira wona maswao a Mesia, gomme la tseba gore Mesia o be a etla, gomme O profetile sohle se go direga, ebile le go Johane le bona, gomme O se hlagišitše, ka go tsenelela, gomme ka gona o Mo latetše le go bona leswao le legolo la Mesia, go netefatša gore ga go le o tee wa badiša a ka kgonago go emelana le Molaetša, le gatee, gomme ka gona, gateetee, O tla go dikologa le go ruta se sengwe seo e lego Lentšu la Modimo tlwa, eupša kgahlanong le tsela ya gago o rutilwego, gona, a o be o ka swarelela le motlwae wa lena? A o be o ka sepela le ba masomešupa? Oo, Lengwalo, Lentšu la go hlaka! A o be o tla ya le ba masomešupa?

<sup>185</sup> Goba—goba, a o kgona go bona bjale boitsebišo bja gago, moo o tla emago? Bjale nagana ka go teba, ka tlhokofalo. O be o tla ema kae bjale, ka seemo sa gago sa bjale? Moo, ke sehlopha sefe o bego o ka itsebiša ka go sona, fao? Goba, a o ka kgona go itsebiša ka bowena? Feela ka pela bjale. A o ka kgona go itsebagatša wenamong le seo?

<sup>186</sup> Ke ya go bolela le bana mo, batšwamahlalagading. A o ka kgona go itsebagatša wenamong lehono, motšwamahlalagading, bjalo ka modumedi yo a ipoletšego, bjalo ka mmuši yo moswa wa mohumi, mohuta wa Elvis Presley yoo a ratago maipshino a lefase go feta o rata go latela Kriste? A o ka itsebagatša wenamong le sehlopha se sa letšatši la bjale, gomme, wa re, gabotse, boka Mna. Presley yo? Bjalo ka ge ke kwešiša, yena ke Mopentecostal. Gomme Mopentecostal, go tšwela ntle le go dira ka mokgwa woo, o no ba Mopentecostal feela ka leina. Go nna, ke Judase yo mongwe.

<sup>187</sup> Pat Boone le batho bao ba tleleimago go ba ba bodumedi, le tšona dirokenrole le go menekana, le mahlapa a lefase, gomme morago ba tleleima Bokriste. Gobaneng, ke kgobogo. Go befile go feta segatamoroko. Go befile go feta—go feta mmalegogwana mo mokgotheng. Modimo o tla hlompha mmalegogwana bokaonana go feta seo.

<sup>188</sup> Ernie Ford le bona ba ema bošego bjohle, metanso ye le se sengwe le se sengwe, le go tšwelapele, ka matsogo go dikologa basadi, bona ba thobalano le se sengwe le se sengwe, gomme morago ba tla ntle le go opela difela. Moo ke ge o rekišitše ditokelotswalo tša gago. O ka kgona bjang go itsebagatša wenamong?

<sup>189</sup> Moswa wa mahlalagading yo o be a na le . . . O be a le monna wa mohumi. O be a na le sebakabotse. Yena o, a ka no ba a be, rakgwebo wa Mokriste, le yena. [Lefelo la go se be le selo godimo ga theipi—Mor.] . . . kereke.

<sup>190</sup> Bjale, motšwamahlalagading, o be o tla dira eng ka seo? Ge, o leka go dira boka Marilyn Monroe goba ba bangwe ba bona ba bangwe, goba ba bangwe ba basadi boka mohumagadi wa pele wa naga, le ye mo yohle mohuta wa go tšwela pele, le go ripa moriri, le—le manekure mo sefahlegong, le tše tša go swinelela, diroko tša thobalano. Gomme—gomme lena banna, le ba dumelela go e dira!

<sup>191</sup> Gomme lena badiša, ntle sebete go le kgala go tloga phuluphithing, le lena! Nnete. Nnete. Yeo ke nnete. Ya. Yeo ke nnete. [Phuthego e a phaphatha—Mor.] Bjale, feela motsotsso. Theetšang. Yeo ke nnete.

<sup>192</sup> Eupša makga a mantši le na le badiša ba go fiwa ke Modimo bao ba tla le omanyago, gomme le ge go le bjalo le ka se be mothalong le Lentšu. Bjale theetšang, re hwetša, go tše, go ya ka tsela ye nngwe, le gona. [Phuthego e a phaphatha—Mor.] Yeo

ke nnete. Ke bea eng pele ga lena? “Oo,” o re, “ba . . .” Ke tseba bokaonana go feta seo. Ke fetile go kgabola, ka bonna, Phoenix, lebaka la mengwaga ye lesometlhano ya go feta, gomme e sa bogega go swana boka ka mehla e dirile, ke feela e befa kudu. Kafao le se e bee yohle godimo ga modiša. Uh-huh. A re no re bohole re molato, gomme re eme godimo fale le go itebelela renabeng ka galaseng. Ya.

<sup>193</sup> Batšwamahlalagading, go reng ka seo? Le rata ditumišo tša bona batho go feta ka mo le ratago ta—ta taletšo ye le e fago, go kgolokela semelo sa lena ka go seswantšho sa Morwa wa Modimo? Go reng ka yona? Re ka kgona bjang go e dira? Oo, nna! A o ka kgona go ipona wenamong o tsebagaditšwe, go rata go tsebalega? Go reng ka . . .

<sup>194</sup> Bjale, ke tla tlase gae feela kgauswan gannyane bjale. Go reng ka lena Mapentecostal bao ka kgonthe le tsebago bokaonana? Yeo ke nnete. Le tseba bokaonana go feta seo. O tseba bokaonana.

<sup>195</sup> Kafao, elelwang boitsebišo bja mafelelo bja mmuši yo moswa yo wa mohumi. O be a le ka heleng, a lebeletše godimo go monna yo a phetšego gabotse, a kgopela meetse. Eupša o be a kgabagantše legaga le legolo lela ntle le go amogela dikgonagalo tša Modimo go mo tliša morago. Gomme o be a le fao, gomme šole yena le bjale bošego bjo, gomme ka mehla o tla ba. Go lokile. Bjoo ke boitsebišo bja gagwe bja mafelelo.

<sup>196</sup> Kafao, o se itsebiše wenamong le kgošigadi tsoko ya thobalano. Goba, o se itsebiše ka bowena le yo mongwe wa ba fa Elvis Presley wa mparabatla ka godimo, go tšwela pele ntle mo ka dirozenrole le go menekana, le go ipitša Mokriste wenamong; goba Pat Boone tsoko, gobane o na le katara gomme o kgona go ema ntle le go dira bosawana ka yona.

A nke Kriste a bonagatše Yenamong ka go lena. Yeo ke nnete.

<sup>197</sup> Mapentecostal, lehono, ba ya kgole go tloga go Lentšu la Modimo.

<sup>198</sup> A o itsebagatša wenamong le sehlopha sa Judase? Elelwang, Judase o thomile, go sepela le Yena. Bjale, ge se se gobatša, ga ke e re go gobatša, eupša ke ra go tšipa ka maatla. Le a bona? Ya. Judase o thomile ka leoto la go maleba. O thomile, go sepela le Yena. Eupša ge a swanetše go ba . . . hwetša tšhelete ye nnyane ka diatleng tša gagwe! Uh-huh.

<sup>199</sup> Ke a makala ge eba seo se ka kgona go šomišwa go Pentecost? Ge re tlogile go khona ya mokgotha, le go tšwa go boromiwa bjo bonnyane ka mokgolokgotheng, gomme ka gona re swanetše go ba le tšhelete ye nnyane. Gomme ke a makala ge eba mosepelo wa rena ga o na go phetlega gannyane. Ge re na le sehlopha sa . . . Mohlomongwe sehlopha sa batho se tsena ka kua, ba re, “Oo, gabotse, yo,” ba bolela ka maloko. Lehono, sohle le se nyakago ke maloko, maloko.

<sup>200</sup> Modimo ga a lebelele maloko. O tsoma semelo, gore A kgone go bea Lentšu la Gagwe ka go yo mongwe yo a tla Mo dumelago. Bjalo ka ge ke boletše, bošego bjo bongwe, Eliasara o ile a e katanela go fihla a hwetša semelo sa monyalwa. Ka gona o ile a swanelwa ke go dira gore a dule a iketle, gore a tle a apare gabotse, go kopana le yo motee yo ba bego ba bolela ka yena. Le a bona? Gobaneng, ge o hwetša semelo, o ka se kgone go ba dira ba apare gabotse. Ba ka se kgone. Uh-huh. Go lokile.

<sup>201</sup> Hlokamelang bjale, Pentecostal ya sebjalebjale. Bjale, bjale, re boletše le Presbyterian, Katoliki, eupša ke ya go bolela ka Mapentecostal bjale, gobane re ya godimo fa go emela se sengwe. Le a bona? Pentecost, a ga se selo sa go tlabo, gore, Mapentecostal ka go lebaka le la sebjalebjale gore Beibele e akanyeditšepele e tla ba boka Laodikia? Laodikia. Go na le morutiši wa Mogerike a dutšego mo, a ntheeditšeego. *Laodikia* e ra “mosadi.” Laodikia ke leina la mosadi, ka Segerike. Ga go le e tee ya kereke ka moka e emelwago ke leina leo. Eupša bjale ke mosadi, Isebele. Yeo ke nnete. “Gomme re humile. Ga re hloke selo.” Eupša ga re tsebe gore re “hlobotše, re foufetše, re a šokiša,” re sepetsē go tšwa Tseleng. Re dirile eng? Re topile mahumo a mangwe, mohlomongwe, go swana le ka mo Judase a dirilego, le a bona, ka gona ga se ra sepela le Lona gape. Go rekišetšwa ntle, go ikhola, batho ba bantsi ba dira seo. Dikerekemaina tše dintši kudu di itšimeletša godimo ga Lentšu, gore ba hwetše maloko a mantši, go ikhola; go dira e ka ba eng.

<sup>202</sup> A nke modiša yo mongwe a tle ka setšhabeng gomme a age mošomo wo mobotse. Gomme morago ba na le kopano, kopano ya kakaretšo felotsoko, gomme ba tloša moisa yola, le go tsea Ricky tsoko yo monnyane wa go se re selo gomme ba mmea ka fale, gomme go no šwalalanya dinku. Ge Modimo a bea monna ka fale... Eupša, oo, ba dira seo ka dikhonferenseng, makga a mantši; go topa, go romela ngwanešu tsoko wa go šokiša kgole, gomme yoo ka kgonthe a agilego mošomo. Morago, ga ba tsebe ba kgaola molala wa bona beng go direng bjalo, le go gobatša kereke.

<sup>203</sup> Go rekišetšwa ntle, go botsebalegi, kgopolو ya sebele, go ikhola, go ikhola ga sebele, dikerekemaina tše kgolo, dikerekemaina tše kgolo. “Sehlopha sa rena ke se segologolo go feta tša lena tšohle.” Oo, yeo ke tsela. Mabaptist ba bile le selokene, “Milione bontši ka ’44.” Eupša le na le eng?

<sup>204</sup> Ke rile, bošego bjo bongwe, “Maipolelo; matlapa ke maipolelo.” Ke botse bofe leswika ntle le moagi wa leswika ka Tšoša ye bogale ya magalemabedi ya Modimo, go a kgoloka le go a ripa go ba barwa le barwedi ba Modimo? Ee.

<sup>205</sup> Judase o dirile eng? O dirile eng? Le elelwa leemo la gagwe la mafelelo. Oo, o dirile eng? O belaetše ditteleime tša Kriste, morago ga ge a thomile go sepela le Yena. Mapentecostal, le se

tsoge la dira seo. Banna ba Kgwebo, le se tsoge la dira seo. Le se belaele dittleleimi tša Gagwe. O a swana maabane, lehono, le go ya go ile. Judase o belaetše dittleleime tša Gagwe, gomme a ba motsebalegi kudu le go E rekiša. Semelo sa Judase se mo dirile go Mo rekiša, go baswaswalatši ba Gagwe.

<sup>206</sup> Gomme lehono selo sa go swana se a direga. Makga a mantši semelo seo re itirago renabeng go kgolokelwa ka go sona, se re rekiše ntle, go matshwenyego a lefase, go batho bao ba tla swaswalatšago. Sona selo seo Pentecost e tšwilego go sona, e ya thwi morago ka go sona gape, feela bolefase go nyakile go swana le ge ba be ba le lefelong la pele. Le a bona? Ke eng? Re šitwa go dumelela Bophelo bja Gagwe go bonagala ka go rena.

<sup>207</sup> Goba, a o ikhwetša wenamong o tsebagaditšwe le barutiwa ba Gagwe ba therešo? Amene. Fao ke mo re nyakago go ba, therešo go Yena, go rereša go Lentšu la Gagwe. Go šala godimo, ka sefahlegong sa baswaswalatši! Amene. A ke moo o ikhwetšago wenamong o tsebagaditšwe bošegong bjo? Leboga Morena. Amene. Go dumelela Bophelo bja Kriste go elela ka bona! Ee, mohlomphegi. Ba hlwekišitšwe ke go tla ga Gagwe. Gomme motho wa modiradibe, godimo ga boipolelo... Gomme tlhwekiš e be e ba hlwekišitše, gomme dipelo tša bona di be di beilwe bogare kudu go Modimo go fihla Kriste a itšhela ka Boyena ka go bona le go bonagatša Bogona bja Gagwe go lefase. Ka sefahlegong sa baswaswalatši, ba eme boka A dirile. Ba eme go rereša go Lentšu, ebole go fihla yo mongwe a rile, "Wena o nyakile o ntšhušumeletša go ba Mokriste," yo mongwe wa ba gagwe... baswaswalatši.

<sup>208</sup> A o ka kcona go itsebagatša wenamong le Petro ka Letšatši la Pentecost? A o ka kcona go itsebagatša wenamong fao ka go Ditiro 2?

<sup>209</sup> Moo, batho ba re, lehono, "Moya wo Mokgethwa o filwe feela go baapostola ba lesomepedi."

<sup>210</sup> A o ka itsebagatša wenamong le Petro, ge a rile, "Sokologang, yo mongwe le yo mongwe wa lena, gomme le kolobetšwe Leineng la Jesu Kriste go tlošweng ga dibe tša lena, gomme le tla amogela neo ya Moya wo Mokgethwa. Ka gore tshepišo ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlagoo ba bitša"? Moya wo Mokgethwa wo o swanago!

<sup>211</sup> A o itsebiša ka bowena fao le yena ka letšatši lela? "Ke ema le wena, Petro. Ee, mohlomphegi. Godimo ga dithuto tša gago tša motheo tša Lengwalo, ke eme fao. Ke nyaka bophelo bja ka go bonagatša Lengwalo, go no swana le bja gago bo dirile kua, ge dikete tše tharo di hlabega ka dipelong tša bona."

<sup>212</sup> Ge ba bone sebete sa bona, matšatši a se makae ka morago ga fao, ba tsebile ba be ba na le Jesu. Ba bile le Lentšu, gomme ba a tseba Lentšu le be le phela thwi ka bona. Gomme ba be ba boifa

go kgwathakgwatha Lentšu lela la Modimo, gobane ba be ba le moemedi wa Lentšu lela, ka bophelo bjo bo bjalo, gore Modimo o tla bonagatša Yenamong thwi go kgabola.

<sup>213</sup> Ba boditše monna, “Silibere le gauta ga ke natšo. Ga ke na le meago ye megolo le dilo tše kgolo. Se ke nago le sona, ke tla go fa. Leineng la Jesu Kriste, ema ka maoto a gago.” “Se ke nago le sona!” O be a swanetše go ba le se sengwe pele a ka kgona go se fa. Amene. Oo, nna!

<sup>214</sup> Go boneng Lentšu le a swana go ya go ile le go ya go ile, moloko wo mongwe le wo mongwe, bohole ba Modimo a ba bitšago ba tla bona ponagatšo.

<sup>215</sup> Goba, le Paulo, ge wa go tsebalega, Demase wa go rata lefase a mo tlogetše, bakeng sa Mokriste wa gagwe, yo a bitšwago, baena ka kgopolu ya go tsebalega. Ge Paulo a eme godimo ga Lentšu, “Demase o mo tlogetše, lerato . . . go rata lefase le la bjale.” O mo tlogetše, ka baka la gore o be a le therešo go Lentšu. Le be e le thwi go yena. O be o tla ya le mang, Demase, goba a o be o tla ya le Paulo? Hlodiša Lentšu. Ke lehlakore lefe o bego o tla le tše ka go seemo sa gago sa bjale ka nako yeo? Efela, bona ba be ba ipoletše Bakriste.

Paulo o rile, “Batho bohole ba ntlogetše.” Moisa yo monnyane wa go šokiša!

<sup>216</sup> Ka mehla ke ile ka tširošwa ke Ngk. Ern Baxter. O rile, “O a tseba, ge ke fihla Legodimong, selo sa pele ke yago go se dira?”

Ke rile, “Ke eng, Ngwanešu Ern?”

<sup>217</sup> O rile, “Ke ya go sepelela thwi godimo go Demase le go mo phasola mo sefahlegong ka maatla ka moo nka kgonago.”

Ke rile, “Bjale, Ern.”

<sup>218</sup> O rile, “Ke ya go re, ‘Gobaneng o tlogetše Paulo tlase fale ka mokgwa wola?’”

<sup>219</sup> Ke rile, “Ka kgontho o nagana o tla ba Fale, Ern?” Ke rile, “Hlokomela tlhologelo ya gago go mo phasola mo sefahlegong.” Ke rile, “Nka se nyake go ba moo a bego a le gona, mohlomongwe, le a bona, ke swanetše go dira seo.”

<sup>220</sup> Go swana le ge mosedumelemodimo a boletše, o rile go mosetsana yo monnyane. O rile, “A o dumela Beibele yela?”

O rile, “Kgonthe.”

<sup>221</sup> O rile, “Ke a thanka o dumela kanegelo yela ka Jona, hlapikgolo e metša Jona.”

O rile, “Nnete.”

O rile, “O ya go e netefatša bjang, ka mokgwa wo mongwe ka tumelo?”

O rile, “Ge ke fihla Legodimong, ke tla botšiša Jona.” Yeo ke nnete.

O rile, “Go ka reng ge Jona a se Kua?”

<sup>222</sup> O rile, “Gona o tla mmotšiša.” Kafao ke a thanka seo se a e rumu. Le a bona? Ee, mohlomphegi. O tla swanelo go mmotšiša. Kafao, le a bona, gona, seo se a e rumu.

<sup>223</sup> Ke a dumela, gona, ge a tlogetše Paulo le go tlogela Lentšu, o dirile selo sa go swana Judase a se dirilego. Ee, mohlomphegi. O be o tla tsea lehlakore lefe, ka go lefelo lela? Bjale theetsang, Mapentecostal. Le be le tla tsea lehlakore lefe? Ke be ke omanya Mapresbyterian a, le go ya pele, bjale le be le tla tsea eng? Le be le tla tsea lehlakore lefe mo?

<sup>224</sup> Goba, a nke ke le botšiše selo se tee gape. Se se ka no gobatša gannyane, eupša ke nyaka go le botšiša se sengwe. Ge, taba e etla godimo ka go kereke ya Bakorinthe, ka bareri ba basadi; gomme bona ba ripa moriri wa bona, basadi. Gomme taba ya tla godimo, gomme Paulo o tšere seemo, gore, “Ga se ba swanelo go dirwa bareri.” Paulo o tšere seemo, gore, “Mosadi, o ripa moriri wa gagwe, o nyaditše monna wa gagwe, gomme ebile o be a se a swanelo go bonwa a rapela phatlatalatša.” Eng, ka go seemo sa gago sa bjale, ke taba efe o tla e tšeago? Bjale lebelela ka galaseng. Bokaone ke tlogele yeo e nnoši. Ke nyaka le lebelele seemo sa lena sa bjale. Ke karolo efe e dirilego... Eng, kae? Eng, kae? O lebeletše kae bjale? O lebeletše eng?

<sup>225</sup> Paulo o be a bonagatša Kriste. A le dumela seo? Ka kgonthe.

<sup>226</sup> “Paulo,” o re, “oo,” mosadi o mpoditše, o rile, “o be a no ba mohloyamosadi wa kgale.”

<sup>227</sup> Paulo o rile, gomme—gomme godimo ka go Bagalatia 1:8, “Ge Morongwa go tšwa Legodimong a etla le go rera e ka ba selo se sengwe ntile le se, go lena, a nke A be morogakwa.” Yeo ke nnete. Yeo ke nnete. Bjale, ke eng...

<sup>228</sup> O bonagatša kae bjale? Uh-huh. O se ke wa tsea lehlakore la botsebalegi. Tsea lehlakore la Lentšu. Uh-huh. Oo! Ee, mohlomphegi. “O mo tlogetše.”

Gomme ge taba e etla godimo, gabaneng, Paulo o tšere kemo.

Gomme ba ngwadile, ba rile, “Moya wo Mokgethwa o re boditše go dira.”

<sup>229</sup> O rile, “Eng? A Lentšu la Modimo le tlide go tšwa go lena, goba le tlide go tšwa go lena feela? Ge motho e ka ba mang a nagana yenamong go ba wa semoya goba—goba moprofeta, o tla amogela dilo tše ke di ngwalago ke ditaelo tša Morena.” E be e le eng? O be a dula le Lentšu. Amene.

<sup>230</sup> Bjale, o dula kae? Go tšwa go wena bjale. O no hwetša lefelo la gago. Go lokile. Ee, mohlomphegi.

<sup>231</sup> Fao Paulo o eme, bakeng sa—bakeng sa... go tšwa leemong le a bilego le lona. Elelwang, Paulo, go dira se... Bjale, emang. A nke ke fe se sengwe gape pele re tloga. Paulo, pele a ka dira se,

o ile a swanela go tlogela maemo a godimo a bilego le wona ka kerekeng ya letšatši la gagwe, go dula le Lentšu.

<sup>232</sup> Bjale, ge o lebeletše Paulo, go reng ka wena, ge kereke ya gago e ruta kgahlanong le Lona? Go reng ka wena, modiša, modiredi, maloko? Nnete.

<sup>233</sup> O dirile eng? O ile a swanela go tšea maemo a gore Peu ye e kgone go gola, Peu ya Bophelo bjo Bosafelego. O be a se kgahlanong. O rile, “Ebile go bjalo, go boletše molao.” Yeo ke nnete. O be a se... O dutše thwi le Lentšu. Gomme go dira seo, o ile a swanela go tlogela kereke ya gagwe ya orthodox, go e dira. Go boloka Lentšu la Bophelo le gola, o ile a swanela go dira se.

<sup>234</sup> Demase le bohole ka moka ga bona, ba rile, “Oo, le wena o ka no tla. Eya pele, Paulo, ga o...”

<sup>235</sup> Eupsa Paulo o eme thwi fale le Lentšu lela. Yola wa go šokiša, Mojuda yo monnyane wa nko ya hakana, ke nyaka go mmona ka Letšatši leo. Ke nyaka go ema fale, go mo šetša a apare mphaphahlogo wola wa mohwelatumelo ge a etla godimo. Ke nyaka go bona fale, le go re, “Letago! Haleluya! Paulo!” Amene. Ee, mohlomphegi. “Dula go Lentšu! Ke thakgetše, Paulo.” Kafao, nthuše, Modimo. A nke ke dule lefelong la go swana. Ee, mohlomphegi. Ee.

<sup>236</sup> Ka ponong ye ke e bonego e sego telele go fetile, ya batho bale godimo kua, ke botšišitše potšišo. Le e bala ka go—go go šila, athekele ya banna Banna ba Kgwebo. Ba rile... Gabotse, ke rile, “A Paulo o swanetše go?”

O rile, “Ee, mohlomphegi.”

<sup>237</sup> Ke rile, “Ke eme go Selo sa go swana a se dirilego.” Ee, mohlomphegi. Dula, selo sa go swana.

<sup>238</sup> Moshe o ile a swanelwa ke go kobama go tloga teroneng, go tšea Lentšu la Modimo. O tlogetše terone. Yeo ke nnete. O be a le mojabohwa wa terone. “Gomme o tlogetše mathabo a go ba Farao, ka gore o hweditše kgobogo ya Kriste mahumo a magologolo go feta mahumo a Egepeta.”

<sup>239</sup> O re, “Gabotse, ke a go botša. Basadi bohole ba tla ntshega. Banna ba tla nagana...” Ga ke kgathale se ba se naganago. Yeo ke nnete.

<sup>240</sup> Paulo o theogile. Moshe o eme go tšwa teroneng. Ke ne mothalo wa bona o ngwadilwe fa, o tšea matlakala a mararo. Eupsa a nke ke le botše se sengwe, ke le thuše, thwi ka pela.

<sup>241</sup> Jesu o theogile go tšwa Legodimong, go bonagatša Yenamong ka sebolepego sa nama ya sebe. (Gomme lena le bomang, goba nna ke mang?) Go dira... go re direla tsela go bonagatša Modimo, go dira tsela go bonagatša Yenamong ka go ren, ka go re hlwekiša go Lentšu la Gagwe. Ka gore Lentšu la Gagwe le bolela, gore, ge A dirile bjalo, gore re kgone go bonagatša Lentšu la Gagwe.

<sup>242</sup> Ka go Johane 14:12, O rile, “Yo a dumelago go Nna, mediro ye Ke e dirago o tla e dira le yena.” Gobaneng? E be e le Kriste, a bonagala. “Lebakana le lennyane gomme lefase le ka se Mpone gape. Efela, le tla Mpona, gobane Ke . . .” (“Nna,” lešalašala.) “. . . ke be le lena, le ka go lena, le a bona, gohle go fihla bofelong bja lefase.” Oo!

<sup>243</sup> “Ge mang kapa mang a ka Ntatela, a a ikgane ka boyena. A nke a gane thutotumelo ya gagwe ya madirwakemotho, a tope Beibele ya gagwe le go Ntatela.” Yeo ke nnete. Ee, mohlomphegi.

<sup>244</sup> Gona, o tsebagatšwa felotsoko ka Lengwalong. Ga go pelaelo, ke tla swanelo go tswalela. O tsebagatšwa felotsoko ka Lengwalong. O tseba seo. Yo mongwe le yo mongwe wa rena, re bona boitsebišo bja rena.

<sup>245</sup> Kereke, re ya godimo fa go—go kgobokano yeo e beakantswego lebaka la ngwaga. Dikereke di be di rapela. Batho ba be ba ikonne dijo. Ke tšholletše pelo ya ka ntle, gohle go kgabola beke, godimo le tlase moeding wo, go lenga le lengwe le le lengwe le lennyane le khona nka kgonago go tsena ka go yona, go leka bokaonekaone bja ka go le sebotša ka go Tla ga Morena. Gomme ke rena ba, feela pele ga nako ye fa. Gomme a nke re itsebiše renabeng bjale, go sepelela godimo mošola, go emela, goba go bonagatša Jesu Kriste.

<sup>246</sup> A re tla itsebagatša renabeng ka go mokero wa moriri wo moswa? A re tla itsebagatša renabeng ka fao re ka aparago ka botose? A re tla itsebagatša renabeng ka fao re ka emago go tsebalega le go bolela, ke thuto ye kae re nago le yona? Mola, Paulo o rile, “Tšona dilo, o ile a swanelo go di lebala, gore a tsebe Kriste.”

<sup>247</sup> A re tsebagatša pentecost? A re re a dira? Eng, moo re ikhwetšago renabeng re bonagatša?

<sup>248</sup> Re bonagatša eng, go le bjalo, ge re no ba le lešata le lentši, gomme re ka kgona go goelela le go bapala, le go tabogela godimo le fase? Oo, ke bone Bomohammedan ba dira seo. Ke bone dikgabo di dira seo.

<sup>249</sup> Ga go ditshwayotshwayo. Ga ke re seo, go dira metlae. *Le* ga se lefelo bakeng sa motlae. Le ke Lentšu la Modimo. Le a bona?

<sup>250</sup> Eupša ke bone diphoofolo di taboga, di bapala, mebutla. Seo ga se re selo. Ka kgonthe aowa. O thabile. Eng kapa eng e ka go dira o thabe, go bona go gonyane go itšego. Ke bone badiradibe ba tagilwe kudu, le go thaba kudu! Nnete. Seo ga se re selo.

<sup>251</sup> Eupša lethabo lela le tšwa kae? Mothopo ke eng? O arabela eng godimo ga gago? O bonagatša eng? Yo mongwe o tla gana Lentšu la Modimo; yo mongwe o tla phela ka lefaseng; yo mongwe o tla kwa Therešo gomme a sepela go tloga go Yona; ba rekiša ditokelotswalo tša bona ntle, bakeng sa se sengwe gape?

<sup>252</sup> Oo, Modimo re thuše, ngwanešu, kgaetšedi, re thuše go boela morago le go dumelela Kriste go iponagatša Yenamong, le yena, ka go rena, ka mokgwa woo. Oo, nna! A nke Modimo a re thuše go tsebagatšwa ka go Yena, bontši kudu, gore Lentšu la Gagwe le Bogona bja Gagwe bo kgone go elela go re kgabola, go iponagatša ka Boyena go lefase, amene, seo re yago go se lebanya.

<sup>253</sup> Tshwayo e tee gape, ke a tswalela. Theetšang sekgauswi. Morulagauta bjale o eme komana.

<sup>254</sup> Le a tseba, mabje a bohlokwa a hwetšwa ka lefaseng, materiale wo re o itiago mmogo. Eupša, le a tseba, ge o hwetša ka go leo, se sengwe se tswakilwe ka go lona, se borala sela o nago le sona se tla šwalalana. Ketane ga se ya tia kudu go feta makopano a yona a go fokolafokodi.

<sup>255</sup> Kafao, ge o leka go ba letlapa le kgomotšwego go tšwa go Modimo, materiale tsoko, gomme o hwetša o leka go itira yo mogolo kudu wenamong, gomme gare ga fao o ile wa swanela go pitleletša lefase le lengwe ka go yona, letlapa leo le tla pšhatlega. Le ka se emele moleko. Gomme, theetšang, Modimo a ka se re amogebe, batho ba Pentecostal, ge re lahlela dithutotaelo le se sengwe le se sengwe gape ka go Lentšu la Modimo. Go tla... Modimo o tla gana letlapa gomme a le ragela go lehlakore le tee. A re se lebeleleng dilo tše kgolo.

A re lebeleleng Kriste ka bophelong bja rena. A re lebeleleng go kokobela. Le a bona?

<sup>256</sup> Elelwang, ge letlapa e le le legolo, gomme le leka go phatlalala, ke seo ke boifago re leka go se dira. Yeo ke polelo ye ke nago le yona le Banna ba Kgwebo. Go bonala o ka re ba gola go feta se sengwe. Gomme ke—ke... Ke ka baka leo ke hloyago go... Ke—ke—ke rata go botega le lena, baena. Ke swanetše go kopana le lena mošola ka Kahlolong letšatši le lengwe. Ke ka lebaka leo kereke e naganago ke kgahlanong le kereke. Ga ke kgahlanong le kereke. Ke...

<sup>257</sup> Gobaneng nka itsebagatša nnamong fa le lena? Ge ke naganne Baptist e be e nepile, Methodist e be e nepile, Presbyterian e be e lokile, ke tla ba le bona. Ke fa le lena gobane ke itsebagatša nnamong fa le lena.

<sup>258</sup> Eupša o se ke wa leka go gola go feta mellwane ya gago bjale, go ba se sengwe se o sego sona. O se ke wa leka go itira wenamong yo mongwe yo mogolo, go bapela le yo mongwe gape, le go šoma ism tsoko ya selefase ka fale, go hwetša maloko a mantši le dilo. Selo se tla phatloga thwi ka bobedi, gomme Modimo o tla se lahlela ka go mokgobo godimo mošola, go kgolokwagape.

<sup>259</sup> O tla tsošetša godimo bana ka matlapa a mangwe a, go Abraham. Yeo ke nnete. O tla e dira. O tla tše Presbyterian, a tliša se sengwe go tšwa go yona; Methodist, goba Baptist. Gomme go lebega o ka re O thomile ka tsela yeo.

<sup>260</sup> A le a nkwa, Banna ba Kgwebo? [Phuthego e re, "Amene."—Mor.] Feela ka gobane re rwele leina la "Pentecost," seo ga se re selo go Modimo. Aowa, mohlomphegi.

<sup>261</sup> Pentecost ga se mokgatlo. Pentecost ke boitemogelo. Ke ponagatšo ya Kriste, moo A thomilego ka Letšatši la Pentecost, go iponagatša ka Boyena ka batho.

<sup>262</sup> Gomme ka gona batho ba thoma go oketša bolefase. Go diregile eng? Ba ile ka go Khansele ya Nicaea, gomme—gomme ba gana ditshepišo tša molaleng tša Modimo, gomme ba bea thutotaelo ka go yona. Gomme o robile boitemogelo bja Bokriste diripana, gomme o ile thoko ka go Bokatoliki.

<sup>263</sup> Luther o thomile mpshafatšo. Gomme o akanyeditšepele, gomme e robile selo gape.

<sup>264</sup> Mamethodist ba tla mmogo ka tlhwekišo. Gomme a thoma go tšweletša, gomme o dirile selo sa go swana.

<sup>265</sup> Gomme Mapentecostal ba dira sona selo sa go swana. Oo! Gabotse, le a e lebelela, le kgora go e bona.

<sup>266</sup> "O dira bjang," o re, "o tseba bjang dilo tše?" Gabotse, a nke ke go botše se sengwe.

"Ngwanešu Branham, a o a profeta?"

<sup>267</sup> Ga ke profete tlwa. Eupša ge ngaka a lekola molwetsi, o bona dika, o tseba se se yago go direga. Ke bala go tšwa go Puku ya Ngaka. Gomme ke bona dika di šoma ka kerekeng ya Pentecostal, gomme ke tseba mo e lebilego.

<sup>268</sup> E emišeng. Tlogelang. Etlang morago. Modimo a le thuše. Le se ye ka tsela yeo, batho. A ga le kgone go bona se ke lekago go se dira? Ke tshuma bophelo bja ka, go leka go gle pholosa go tšwa go selo se sa go gafa le kitimelago ka go sona. Letšatši ka morago ga letšatši, ngwaga ka morago ga ngwaga, ke a goeletša. Gomme le nagana gore ke nna lenaba la lena. Ke nna ngwaneno. Bowang morago. Le se ye ka tsela yeo. A ga le bone se se diregilego ge ba bangwe ba ile ka tsela yela?

<sup>269</sup> Banna ba Kgwebo, dulang kgole go tloga go mohlala woo. Bjale le ngwala mehuta yohle ya dithutotumelo godimo ka go dikgatišobaka tša lena, gomme seo se le amanya feela bontši bja kerekeleina bjalo ka tšohle tša tšona. Le a tseba seo se no ba bjalo. A ga le bone? Le tla thwi ka go selo le bego le eme kgahlanong le sona. Bjale, le ka se nthate, mohlomongwe. Go ya go ile, yeo ke therešo. Lena marakang lentšu la ka. Retologang, goba le ile.

<sup>270</sup> Pentecost, retologa, goba o ile. Etla morago go Lentšu. Go thari go feta o nagana.

<sup>271</sup> Modimo o nyaka go bonagatša, e sego maloko, eupša matlapa a mmapale ao a pholešitšwego le go kgolokwa le go bopša. Šetšang. Morulagauta o eme bošegong bjo, o loketše go ntšhetša

ntle dipelaelo tšohle tša togotogo, tšohle tše di lego kgahlanong le wena. Gomme ka . . . O mo, o loketše go le kgoloka le go le bopela ka go badumedi, go tloša go kamaka gohle go tloga go lena.

<sup>272</sup> Le a ya mmogo, le bone baekiši ba bantši ba etla mmogo, ba re, "Le, gomme, letago go Modimo, ke na le le le." Gomme, haleluya, ke na le le le." Gomme o hwetša, ga ba na le selo. Gomme diabolo o dirile seo, go tsoša go kamaka ka pelong ya gago. Le a bona? O dirile seo, ka morero, go dira seo. Eupša elelwang, seo se bolela feela selo se tee, gore, fao go na le sa mmapale seo moekiši a lekago go dira ka mokgwa woo.

<sup>273</sup> Go na le Moya wo Mokgethwa wa mmapale. Go na le Moya wa Modimo wa mmapale. Go na le maatla a mmapale a Modimo. Go na le Morwa wa Modimo yo a iponagatšago ka Boyena bosegong bjo bjalo ka Moya wo Mokgethwa, go laetša pele Bophelo bja Gagwe. O eme mo bosegong bjo magareng ga lena, ka sebopego sa Moya wo Mokgethwa; go rothotha togotogo yohle ka ntle ga gago, dipelaelo; le go bonagatša go wena, tsogo ya Gagwe, gore Yena ga se a hwa. Gomme O mo go le laetša gore O a phela, wa go swana maabane, lehono, le go ya go ile. O mo go itswalanya Yenamong le rena. A ga ra swanela gona go itsebagatša renabeng le Yena, go dumela Lentšu la Gagwe le go Le tšea?

<sup>274</sup> A re rapeleng.

[Ngwanešu o a profeta—Mor.] Letago. Amene. Amene. Oo! Amene.

<sup>275</sup> O Morena Modimo, re Go leboga bjang, Morena! Re a botšwa ka Lengwalong, gore ge Dafida, ge lenaba le be le etla ka gare, gomme ba kgobokane mmogo, gomme Dafida o be a leka go ba botša ka Modimo, fao go eme yo motee magareng ga bona, gomme a profeta gomme a ba botša gore ba dire eng, le gore ba fenyen lenaba bjang. Therešo, Morena, re dumela selo sela sa go swana, Moya wa Modimo o wela magareng ga rena, gomme Lentšu ke lefelo la go fenyen lenaba.

<sup>276</sup> Seo ke se O se fago Adama le Efa, ka serapeng sa Edene, go fenyen lenaba. Gomme ge Efa a fane mabaka le Lona, le go tšweletša mabaka le Lentšu, le ile la šwalalana, gomme sebe sa tsena.

<sup>277</sup> Ka therešo, Morena, yeo e bile go wa ga banna, go kgabola mabaka, go leka go lahlela se sengwe le Lentšu. Sarah o lekile selo se se swanago, go lahlela selo se sengwe, go tšea Hagara, go tliša ngwana, eupša a wa go kgabola. Ka mehla, go bile ka tsela yeo, Tate. Re—re no nyaka Lentšu la Gago, gomme leo le mnoši; ga go selo se oketšwago go Lona, goba se tšerwe go tšwa go Lona, feela ka tsela ye Le lego. Gomme Wena o Lentšu le. Gomme re leboga seo.

<sup>278</sup> Šegofatša batho fa, Morena. Ke na le bjale, ka go a, mašego ka morago ga mašego, ke lekile go bolela dilo tše, gore go Tla ga

Gago—ga Gago—ga Gago go batametše. Se sengwe le se sengwe se kotama ka tsela yeo.

<sup>279</sup> Gomme go tšwa go—go pono, dibeke di se kae tša go feta, o nthometše fa go ya Arizona. Ga ke tsebe gobaneng. E ka no ba go tla ga ka Gae. Ga ke tsebe. Go—go lebega kudu ka tsela yeo.

<sup>280</sup> Eupša, Morena, a nke ke fetše tsela ya ka ka . . . le go swara Tumelo, ke bolokile diaparo tša ka di se tša kgamathele, Morena, ka mogau wa Kriste. A nke ke kgone go ema ka letšatšing leo, gomme ke re, “Ke tsebišitše Keletšo ka moka ya Modimo, bjalo ka ge ke E tsebile go ba Therešo, gomme ke šikologile go se bolele selo.” E fe.

<sup>281</sup> A nke baena ba ka, Morena, ka go swana, ba kopane godimo mmogo le go sepela kgauswana, le go tseba gore dikeletšo tše ga—ga se kgalemo, eupša ke tshebotšo, le go šetša makopano a ditsela. E fe, Tate. Bjalo ka ge go sa tšo bolelwa go rena, gore, O tla re ahlolka Lentšu lela la Molaetša. Modimo, ntumelele ke lebelele go nnamong, gomme, ke lewa ke hlong ka yona, Morena, ka seiponeng sa Lentšu la Modimo.

<sup>282</sup> Ke hlabanelka, “Gomme ka potego, ka tlhokofalo ke hlabanelka Tumelo ye e filwego bakgethwā gatee,” bjalo ka ge Jude a rile re swanetše go dira. Gomme re a tshepišwa, gore, “Ka matšatšing a mafelelo, Tumelo ye ya botate e tla bušetšwa morago gape, go Tumelo ya setlogo ya pentecost.” O e tshepišitše, ka go Maleaki 4. O rile e tla direga. Gomme, Tate, a nke re be go šetša, le mahlo a rena—a rena go bulega go phatlalala, gomme e sego go le foša, go swana le go kgabola mabaka ka mehla ba dirilego. Eupša a nke mahlo a rena a bulege, go bona Jesu Kriste bjalo ka ge A bonagatšwa ka go letago la Gagwe magareng ga batho ba Gagwe ba go kokobela, go tšeela batho ntle, go tšwa go Bantle ba, bakeng sa Leina la Gagwe. E fe, Morena.

<sup>283</sup> Šegofatša phuthego ye bjale. Ke boletše botelele. Morena, ga ke kgone go kgopela tshwarelo (gobane, ke ikwetše go bolela se ke se dirilego), go ba swara nako ye telele. Eupša ke a Go leboga bakeng sa banna le basadi, lehono, bao ba—ba kgonago go ema, gomme ba tla menekana, gomme—gomme ba leka go swara maoto a bona—a bona lebatong, gomme ba theetša Molaetša. Ke a Go leboga bakeng sa dikereke boka tše, tše di tla bulago mojako le go re, “Etlā pele ka gare. Re rute. Goba, rera le rena. Re thuše.” Modimo, re leboga Wena ka tše.

<sup>284</sup> Gomme ke a Go leboga bakeng sa sediba sa leganateng, le gona, bakeng sa lefase la kgwebo, Banna ba ba Kgwebo. Morena, a nke diaparo tša bona di dule di se tša kgamathele go tloga go dilo tša lefase. E fe. E dire lefelo la go phološa soulo, Morena, gore—gore mohlomongwe, felotsoko batho ba ka se ye kerekeng, ba tla ya go kwa batho ba kgwebo ba bolela. Gomme a nke bophelo bja bona—bja bona bo be letsawai kudu ka mogau wa Modimo, le boikokobetšo bja Moya wa Gagwe, gore—gore lefase

le tla duma go ba mohuta woo wa banna. E fe, Morena. Re šegofatše bjale, mmogo.

<sup>285</sup> Morena, re lebalele mafokodi a ren. Lebalela dibe tša ren, gomme dumelala dikanale tša dipelo tša ren go bulega. A nke Kgoši ya Letago e ottele ka gare magareng ga ren bjale, ge re hweditše mogau ka sefahlegong sa Gago, ka go sokologa go phošo ya ren. Ga go pelaelo, pelo ya ka e sokologile, dipelo tše dingwe tše dintši di sokologile. Gomme ge re hweditše mogau, Morena. Re kgoloke bjale.

<sup>286</sup> Hlwekiša ditempele tša ren, gore Lentšu la Modimo yo a phelago le ke le phele magareng ga ren le go netefatša Jesu Kriste ga se a hwa. Yena ga se mothomi wa go hwa bjalo ka Mohammed, goba—goba Buddha, goba ba bangwe ba ditumelothoko. O a phela, lebaka la bjale, Jesu yo a tsogilego. “O a phela go ya go ile, gomme a ka se tsoge a hwa gape,” gomme o re file Bophelo bjo Bosafelego, gomme o itšweleditše ka Boyena magareng ga ren. Gomme ren, Morena, re bonagatša mogau wa Gagwe go ba bangwe.

<sup>287</sup> Re thuše, Tate, bjalo ka ge O tshepišitše mo matšatšing a mafelelo se se tla diregago, feela boka go bile matšatšing a Loto. A nke ren, go swana le bale ba bego ba etšwa Emause, re ye gae bošegong bjo, re hlalala, gobane re Go bona o dira se sengwe boka ba Go bone o dira morago ga ge O tsogile bahung; ba tseba e bile selo sa go swana O se dirilego pele O ehwa, gona ba tsebile gore O tsogile. E fe, Tate. Re kgopela Leineng la Jesu. Amene.

<sup>288</sup> Bjale, bjale, ke—ke boletše ka botelele. Eupša, se, ga ke tsebe gore O tla dira se. Ga ke tsebe gore O tla dira. Ke ya feela go Mo kgopela. Ke a dumela, ge nka bea bophelo bja ka fa go... mo koteng, go ema hleng le Lentšu le, gona, bokaonekaone bja tsebo ya ka.

<sup>289</sup> Ga ke hloke sebe. Ke ne bontši bo lekeletše go nna. Eupša, iri ye nngwe le ye nngwe ke ipolela sona, kgafetšakgafetša. Ge ke bona phošo ya ka, gona ke retologa go tloga go yeo, le go leka go dira se se lokilego. Nka se leke go ya Legodimong ka dipataka tša ka. Nka se ye fao. Ke tshepetše ka potego go Jesu Kriste. Ke Yena Tshepo ya ka. Ke—ke—ke dumela go Yena. Nka se leke go ya ka gare gobane ke nna ngwanešu wa Mopentecostal. Nka—nka se ye ka go dipataka tša Pentecost. Ke ya ka go dipataka tša Madi a Jesu Kriste. O nkhwetše.

<sup>290</sup> Gomme seo ke se ke nyakago le se tshepa, mabokgoni a Gagwe. Gomme ka gona le tseba bjang le ya kua? Ke ge, Lentšu le lengwe le le lengwe, a o Le feleletša ka “amene, amene.” Ka gore, Ke Lentšu ka Bolona le leka go itlhatsela ka Bolona. Gomme ge re gana Lentšu lela, Le ka kgona bjang go itlhatsela ka Bolona?

<sup>291</sup> Bjale, Jesu o rile, “Yo a dumelago go Nna, mediro ye Ke e dirago o tla e dira le yena.” A yeo ke nnete? Gomme gona O boletše eng ka go Johane 5:19? “Ruri, ruri, Ke re go lena, Morwa

ga a kgone go dira selo ka go Yenamong, eupša se A bonago Tate a se dira.”

<sup>292</sup> O fetile go kgabola mogobeng wa Betheseda. Go be go robetše mašaba a batho, mohlomongwe masomepedi goba masometharo bontši bja ba ba lego ka moagong wo bošegong bjo. Go na le batho ba makgolo a mane goba a mahlano, mohlomongwe, ba dutše fa bošegong bjo. Ga ke tsebe, eupša go ka no ba ba bantši bale. Eupša mohlomongwe go na le dikete. Ke a kwešišwa gore “lešaba” le tla hlatlogela ka go dikete. Bjale, go robetše fale, le digole, dihlotsa, difofu, ba go omelela, O fodišitše monna yo motee, ka gore O tsebile gore monna yola o be a le ka tsela yeo. Tate o Mo laeditše. Le a bona? O tlogetše ka moka ga bona. Le a bona? Gomme ka gona O ile a botšišwa seo.

<sup>293</sup> Eupša Beibele e rile, ka morago ga lehu la Gagwe, poloko, le tsogo, gore, bošegong bjo, “Yena ke Moprista yo Mogolo.” A le dumela seo? [Phuthego e re, “Amene.”—Mor.] A le a dumela O sa phela. [“Amene.”] Gomme Yena ke Moprista yo Mogolo yoo a kgonago go kgwathwa ke maikutlo a mabofokodi a rena? [“Amene.”] Gabotse, ge A le Moprista yo Mogolo wa go swana, go ya ka Bahebere 13:8, gona O tla dira ka tsela ya go swana. A yeo ke nnete?

<sup>294</sup> Bjale a nke re hlwekiše dipelo tša rena go tšwa sebeng sohle. A nke re ipolele phošo ya rena. A nke re ipolele gosedumele ga rena, gore re bile phošo, le go re, “Morena Jesu, ke nna yo. Ke na le tlhoko, bošegong bjo. Bonagatša Bowena ka bophelong bja ka. Mphe tumelo yeo mosadi yola a bilego le yona, yeo e kgwathilego kobo ya Gago.”

<sup>295</sup> Gomme ke tla re, “Morena Jesu, ke eme ka Lentšu la Gago.” Yeo e be e le thomo ya ka, “Go rera Lentšu.” Ke eme hleng le Lona. Ke—ke nyaka go hwa ka Lona. Gomme ke—ke eme le go dira dilo tše thata, ka baka la Lentšu, le go dula fao, eupša ka mehla O Le hlatseditše.

<sup>296</sup> Bjale ke itshamile go Yena go hlatsela Lentšu lela. A nke le lahlele . . . A nke A elele go re kgabola bošegong bjo, ge re rapela.

<sup>297</sup> Ke ba bakae ka fa ba babjago, ba hlokago, ba hlokago e ka ba eng? Phagamišetša diatla tša gago godimo gomme o re, “Ke nna, Morena. Ke a dumela, Morena.”

<sup>298</sup> Ke nyaka šedi ya lena ya go se arogane, feela gabose ka fao le ka kgonago, lebaka la dinakwana di se kae.

<sup>299</sup> Ge, ka morago ga Molaetša wo, gomme Kriste o tla bonagatša Boyena ka go batho, le go bona gore soulo ya go šokiša e ne tumelo ya go lekanelo go kgwathwa kobo ya Gagwe, gomme nka ineeala nnamong go Moya wa Gagwe, le go tseba gore wo ke Moya wo Mokgethwa! Gona, ge o le wa se sengwe gape ntle le sehlophoa seo se dumelago Wo, gona ke tla tla godimo moo ba dumelago Therešo. Le a bona? Ke tla dira. Ka kgonthe ke tla dira. Ke tla dumela, gobane Modimo a itira go tsebja Yenamong. O se itsebiše

ka bowena bjale le Bafarisei le bona bao ba sa dumelego, bona ba foufetše, gobane Jesu o rile ba ka se sa Mmona gape. “Eupša lena le tla Mpona, gobane Ke tla ba le lena. Ke tla ba ka go lena. Le tla Mpona.” Gabotse, ge A le Moprista yo Mogolo yola wa go swana, ke ka tsela yeo le tla Mmonago, ka go iponagatša Yenamong ka tsela ya go swana A dirilego nako yela. A yeo ke therešo? Go lokile.

<sup>300</sup> Bjale, o dumela ka pelo ya gago yohle. Eba le tumelo. Se belaele, o rapela, gomme gona re tla—re tla bona se A se boletšego. Bjale, nno dumela ka pelo ya gago yohle.

<sup>301</sup> Bjale, Tate Modimo, ke boletše ka Wena le bakeng sa Lentšu la Gago. Ke e dirile ka tsela ya go robega, Morena, ke a tseba, eupša ke ye kaonekaone kudu ke tsebilego bjang. Dibeke tše pedi tšohle tše, kgafetšakgafetša ke dutše le Lona, Morena. Bophelo bjhohle bja ka, ke lekile go dula le Lona. Bjale, Morena, hlompha Lentšu la Gago bosegong bjo fa, bjalo ka ge tsošeletšo e tswalela. A nke go tsebjie, Morena, gore ge re emela seo se lokilego, sa maleba se tla re emela. E fe, Morena. Gore re a dumela, gore O ba rena, go tsea sebe sa rena; gore re ke re be Wena, barwa ba Modimo, go bonagatša Lentšu la Modimo, le hlatsetšwego, le dirwa go bonagala ka bophelo bja rena bja bodiredi bjo O re filego. E fe, Morena. Re neela borena go Wena bjale Leineng la Jesu Kriste. Amene.

<sup>302</sup> Bjale e no ba le tumelo. O se belaele, eupša—eupša dumela ka pelo ya gago yohle bjale. A le a dumela? [Phuthego e re, “Amene.”—Mor.] Yo mongwe le yo mongwe o a dumela. Bjale, le se belaele. E no rapela, go wenamong. Eba le tumelo bjale. Se belaele, le gannyane. Ikhomoletše fase wenamong bjale. Theetsa se Moya o se boletšego go wena. Eba le tumelo ka go Modimo. Eba le tumelo ka go Modimo.

<sup>303</sup> O ntebeletše ka tlhokofalo ka eng? O ntumela go ba mohlanka wa Gagwe? Ga ke go tsebe. Ga se nke ka ke ka go bona, eupša feela mosadi a dutše fale a ntebeletše. Ga se bolwetsi tlwa bjoo a tshwenyegago ka bjona. O tshwenyega ka yo mongwe gape. Ke mosetsana yo moswa. O sa tšwa go tla godimo a timela. O tlogetše legae. O no ba mosetsana, mosetsana wa mahlalagading. Se se dirilwe nako ye telele. Bokgole bjo, ga ke bone kotsi le yena. Eba le tumelo. Dumela Modimo, O tla mo romela gae go wena.

<sup>304</sup> O kgwathile eng? Bjale, le bona mosadi. Ga se nke ka ke ka mmona bophelong bja ka. O, moka, mosetsebje.

<sup>305</sup> Mohumagadi šo o dutše thwi morago *mo*, mahlo a tswaletšwe, o a rapela. O tlaišega ka bo—bo bothata bja lelalegolo, gomme ke diphaele. O tlaišega ka bothata bja pelo. O ya go e foša. Modimo, re thuše. Mohumagatšana Willingham, dumela go Morena Jesu Kriste. Bjale o a e amogela.

<sup>306</sup> Bjale botšišang mosadi. Re basetsebane ka go felela. O re, “O biditše leina la gagwe.”

<sup>307</sup> Gobaneng, a Jesu ga se a botša Simone, “Leina la gago ke Simone. O morwa wa Jona.” E no ba le tumelo ka go Modimo. A o a e dumela?

<sup>308</sup> Bjale hlokofalang. Dumelang. Le se belaele. Nno bea monagano wa gago go Modimo, gomme—gomme o Mo dumele.

<sup>309</sup> O dira eng? O itsebagatša Yenamong. O bonagatša Yenamong. Bjale, ge le sa nagane go lokile, ke le kgopela go tla phuluphithing le go dira selo sa go swana.

<sup>310</sup> Go na le mo—mo mosadi yo monnyane. O dutše morago mo ka šolo godimo ga hlogo ya gagwe. Ke yena Mospanish. Gomme o rapelela morwedi. Morwedi yoo ga a dule mo. Bjale o beile diatla tša gagwe sefahlegong sa gagwe. Gomme o... Morwedi yo o phela moo go nago le meetse a mantši, moo lewatle le rorago, ka San Diego, California. Gomme o na le ditšhikakgolo le ditšherekano, gomme gabotse o no ba le go phuhlama ga megalatšhika. A o a dumela gore thapelo ya gago gona e kgwathile morumo wa kobo ya Gagwe, kgaetšedi wa ka yo monnyane wa Mospanish, gomme morwediago o tla ba gabotse? Ge o dira, emišetsa seatla sa gago godimo gomme o e amogele. Go lokile, o ka ba le yona. Go a apoga hleng le wena bjale. Se belaele. Dumela.

<sup>311</sup> Seo se be se makatša go wena, a e be e se, mohumagadi, a dutšego fale? Bea seatla sa gago godimo ga nko ya gago, gomme o phumotše sefahlego sa gago nako yeo; o boletše se sengwe go kgabaganya mokgoba; a aperego jase ye bolou, a dutšego fale. Ee. Go lokile. Ge o ka dumela ka pelo ya gago yohle, gona pelo yela e tla otlollogela ntle gomme o ka se be le bothata bjo itšego bja pelo bjoo o tlaišegago ka bjona. Ge yeo e le nnete, emeleta ka maoto a gago, go no hlatsela gore yeo ke therešo. Ke mosetsebje go mohumagadi. Amene. A le a dumela? Nnete. Uh-huh. Ka mehla dumelang.

<sup>312</sup> Ke a bona, gomme bokaone monna wa mengwaga ya magareng. A le bona Seetša sela, mollo, se lekeletše thwi fale, se goga thwi godimo ga moisa yola? Bjale o a rapela. O ne hlogo ya gagwe fase. Gomme go ne se sengwe seo se sa tšogo bolelwa, seo se gogilego šedi ya gagwe go rapela. Gobane, o tšwa California, le yena, bjalo ka ge a sa tšo bolela. Eupša o tšwa Fresno, California. O tlaišega ka asma. Mna. Korol, ge o dumela ka pelo ya gago yohle, o ka kgona go ya gae le go dirwa gabotse, le wena. Amene. E dumele bjale. Ge seo e le nnete, phagamiša seatla sa gago. A re basetsebane? Phagamiša seatla sa gago. Go lokile.

<sup>313</sup> Le a dumela? Monna yola o kgwathile eng? O kgwathile Jesu Kriste. O dikgato tše masometharo go tloga go nna.

<sup>314</sup> Ke a go hlohla, ka Leina la Jesu Kriste, go dumela gore Molaetša wo wa Moya wo Mokgethwa mo matšatšing a a

mafelelo ke go tswalela ga histori ya lefase. Ke a le hlohla go dumela gore ke—ke O rutile go lena bošegong bjo. Le dumela gore Modimo o nthomile. Le a e hlompha. Gomme bjale, le se ke la ntłhompha, eupša hlompha se A nthumilego sona, Lentšu la Gagwe, gomme Modimo o tla e fa, kgopelo ya gago. Nka se kgone go Mo dira a e dire, eupša ge o ka dumela.

<sup>315</sup> Mo, lebelelang mo. A ga le kgone go bona Seo? Lebelelang mo, Seetša sela thwi *mo*. Se thwi godimo ga mohuta wo wa mosadi wa go bopega boima a dutšego fa. Ga ke tsebe mosadi. Ga se nke ka ke ka mmona bophelong bja ka, eupša o a babja. O a tlaišega. O bile ngakeng, gomme, se sengwe, tlhahlobo e bontšitše e ka go lela le legolo. Ke mohuta wo mongwe wa go swana le dišo. Aowa, ngaka o re ke alska ka go lelalegolo. Yeo ke nnete. Yeo ke nnete. Ga o tšwe fa. O fa ka ketelo. A yeo ke nnete? Phagamiša seatla sa gago. O tšwa Michigan. Yeo ke nnete. O mo go etela morwa, gomme o ka go mohuta tsoko wa kgwebo ya seyalemoya ya mohuta tsoko. Leina la gago ke Mdi. Erb. Eba le tumelo go Modimo. Eya gae gomme o e hwetše ka tsela ye o e nyakago, ge o dumela ka pelo ya gago yohle.

<sup>316</sup> A o a dumela? A o loketše go ba le togotogo ya go se dumele go itiwa go tšwa go wena? A o a dumela gore o ka kgona go bona Kriste a iponagatša ka Boyena, wa go swana maabane, lehono, le ka gosafelego? Yena ke Modimo. A le dumela seo? E reng, “Amene” ge le e dumela. [Phuthego e re, “Amene.”—Mor.]

<sup>317</sup> Ka gona beang diatla tša lena godimo ga lena seng. Ke ya go le laetša Lentšu la Gagwe, ge le le badumedi. O rile, “Maswao a a tla latela bona bao ba dumelago. Ge ba bea diatla tša bona go balwetši ba tla welwa ke maruru.” Beang diatla tša lena go lena seng bjale.

<sup>318</sup> Tswalela mahlo a gago. Kobamiša hlogo ya gago. Rapelelanang seng. Le a rapela. Ga se nna. Le a rapela. Kriste, ntle magareng ga lena ntle fale!

<sup>319</sup> Tate wa Legodimong, ka Leina la Morena Jesu, a nke Kriste a bonagatšwe ka go bophelo bjo bongwe le bjo bongwe fa bošegong bjo. Gomme fodiša balwetši, Morena. Re lelekela ntle diabolo yo mongwe le yo mongwe wa gosedumele, gore Kereke ya pentecost e ke e bone ponagatšo ya Jesu Kriste ka bophelong bja bona, bjalo ka ge ba e bone bošegong bjo.



*BOITSEBIŠO* NST63-0123  
(Identification)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Janaware 23, 1963, ka First Assembly Of God ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)